

四庫全書

集部

欽定四庫全書

東坡詩集註卷十

宋 王十朋 撰

簡寄

辛丑十一月十九日既與子由別於鄭州西門之

外馬上賦詩一篇寄之

次公是歲仁宗皇帝嘉祐六年也先生生於丙子時

年二十六以穎濱遺老傳考之先生與子由俱以賢科中第尋除簽書鳳翔判官子由除商川推官以策許直忤時政告未即下而先生先赴時老衆被命修禮書留京師先生既當赴官子

由送至鄭州而還京
師侍老泉之側也

不飲胡為醉兀兀此心已逐歸鞍發歸人猶自念庭闈

次公歸人指子由東哲南
陵補亡詩云眷戀庭闈

今我何以慰寂寞登高回首

坡隴隔惟見烏帽出復沒

次公杜詩烏帽
塵拂青螺粟

苦寒念爾衣

裘薄獨騎瘦馬踏殘月路人行歌居人樂僮僕怪我苦

悽惻亦知人生要有別但恐歲月去飄忽寒燈相對記

疇昔夜雨何時聽蕭瑟

厚韋蘓州與元常全真二生詩
那知風雨夜復此對牀眠次公

子由與先生懷遠驛常讀韋詩至此句惻然感之乃
相約早退共為閒居之樂正在京師同侍老泉時近事

故今詩及之其後子由與先生於彭城相會作三小詩
其一曰逍遙堂後千尋木長送中宵風雨聲俱喜對牀
尋舊約不知漂沒在彭城至先生在東府雨中作示子
由詩有曰對牀定悠悠夜雨今蕭瑟益皆感歎追舊之
言也君知此意不可忘慎勿苦愛高官職以子由常有夜

耳云

病中聞子由得告不赴商州三首

次公子由與先生同舉賢科子

由以訐直止得下第除商州推官而知制誥王
介甫猶不肯撰辭告未即下故先生自去年十
一月先赴鳳翔至今春秋子由方告下而以老
泉傷無待子乃奏乞養親三年此所以得告而
不赴也

病中聞汝免來商旅鴈何時更著行遠別不知官爵好
思歸苦覺歲年長著書多暇真良計從官無功謾去鄉
惟有王城最堪隱萬人如海一身藏

次公王城堪隱則
言子由尚在京師

也

近從章子聞渠說

章子
惺也

苦道商人望汝來說客有靈慙

直道逋翁久沒厭凡才

援逋翁四皓也避秦隱於商山
任白樂天云漢客黃綺為逋客

次公李商隱商於詩云割地張
儀詐謀身綺李長亦言此也

夷音僅可通名姓

堯卿
商山

之人語
如夷人

癭俗無由辨頸顙

任商人
多癭

答策不堪宜落此上

書求免亦何哉

次公按觀漢遺老傳云軼年十九舉進士釋褐二十三舉直吉宋仁宗親策之

庭因所問極言得失策入自謂必見黜然考官司馬君賈第以三等范景仁難之蔡君謨曰吾媿之而不敢怨惟胡武平以為不遜力請黜之上不許曰以直言召人而以直棄之天下其謂我何宰相不得已置之下第除商州推官也

辭官不出意誰知敢向清時怨位卑萬事悠悠付杯酒

流年冉冉入雙鬢策曾忤世人嫌汝易可忘憂家有師

師老蘇有易傳

此外知心更誰是夢覓相覓苦參差

和子由苦寒見寄

人生不滿百一別費三年三年吾有幾
棄擲理無還長
恐別離中摧我鬢與顏
念昔喜著書別來不成篇
細思
平時樂乃為憂所緣
吾從天下士莫如與子歡
羨子久
不出讀書蟲生瓊丈夫重出處不退
要當前西羌解仇

隙

次公前漢趙充國傳元康元年先零與諸羌種衆二百餘人解仇交質盟誓

猛士憂塞壩

廟謀雖不戰虜意久欺天山西良家子

援前漢六郡良家子皆習騎射

次公前漢贊云山西出將

錦緣貂裘鮮千金買戰馬百寶粧刀鏝何

時逐汝去與虜試周旋

厚左傳晉文公謂楚子曰左執鞭弭右屬橐鞬以與君周旋任

晉書謝石謂符融曰若小退即令將
士周旋僕與君緩轡而觀不亦美乎

將往終南和子由見寄

人生百年寄鬢鬚富貴何啻葭中莠

續前漢書云非有
葭莠之親注云葭

裹之白皮者
喻輕薄也

惟將翰墨留染濡絕勝醉倒蛾眉扶我今

廢學如寒竽久不吹之澀欲無

堯卿齊宣王好竽而南
郭先生不善吹之澀則

不能
成聲

歲云暮矣嗟幾餘欲往南溪旅禽魚秋風吹雨涼

生膚夜長耿耿添漏壺窮年弄筆衫袖烏

厚題壺非草
書歌十日一

筆月數九墨領袖
如皁脣齒皆黑

古人有之我願如終朝危坐學僧趺

閉門不出間履鳧

援後漢王喬有神術顯宗時為葉令每朔望來朝明帝恠之令太史伺望

輒有雙鳧從東來羅之得雙鳧焉詔尚書診視乃四年中所賜履舄也

下視官爵如泥淤

嗟我何為久踟躕歲月宜肯與汝居僕夫起餐秣吾駒

續韓退之送李愿歸盤谷序云膏吾車兮秣吾馬子仁退之天星詩僕夫起餐車載脂

華陰寄子由

治平元年
在鳳翔作

三年無日不思歸夢裏還家旋覺非臘酒送寒催去國

東風吹雪滿征衣三峰已過天浮翠

援三峯謂太華三峯連華松檜毛女

也次公華山記云其上有三峯直上時齊可觀師曰太華三峯在華陰縣

四扇行看日照扉

續退之詩荆山已去華
山來日出煙開四扇開

里堦消磨不禁盡速攜家餉勞

駢

次韻柳子玉見寄

薄雷輕雨曉晴初陌上春泥未濺裾行樂及時雖有酒
出門無侶謾看書遙知寒食催歸騎定把鴟夷載後車

他日見邀須強起不應辭病似相如

次公司馬相如素與臨邛令王吉相

善臨邛多富人卓王孫之屬相謂曰今有貴客為具召之并召令令既至卓氏客以百數相如謝病不能臨令不敢嘗食身自迎相如相如為不得已而強往一座盡傾

和子由初到陳州見寄二首

道喪雖云久吾猶及老成如今各衰晚那更治刑名懶

情便撈散

續莊子吾有大木人謂之撈曲輓櫟社其大蔽牛匠石曰散木也

踈狂託聖

明阿奴須碌碌門戶要全生

援晉周顗母李氏謂顗嵩謨曰不謂爾等並貴列吾

目前吾復何憂嵩起曰恐不如尊旨伯仁志大而才短名重而識闇好乘人之弊此非自全之道嵩性抗直亦不容於世唯阿奴碌碌當在母目下後皆如言阿奴謨小字也

舊隱三年別松杉好在不吾今尚眷眷此意恐悠悠閑

戶時尋夢無人可說愁還來送別處雙淚寄南州

初到杭州寄子由二絕

任熙寧四年作器先按年譜熙寧四年辛亥先生年

三十一六判官誥院兼判尚書祠部以議論與時宰不合命攝開封府推官尋乞除外任差道判

杭州以十

一月到任

眼看時事力難任貪戀君恩退未能遲鈍終須投劾去

使君何日換聾丞

續黃霸為潁州守許丞老病聾督郵白欲逐之霸曰許丞廉吏正煩重聽

何傷

聖明寬大許全身衰病摧頽自畏人莫上岡頭苦相望

子仁詩陵彼岡兮瞻望兄兮

吾方祭竈請比鄰

續張忠為御史大夫辟孫賈為屬欲令投

子經資自効去後署主簿

贊徒入舍祭竈請此鄰

和劉道原見寄

敢向清時怨不容

次公顏回曰不容何病不容然後見君子

直嗟吾道與君

東

續鄭玄事馬融辭歸融喟然謂門人曰鄭生今去吾道東矣

坐談足使淮南懼

厚

南王安謀反憚以黔好直諫守節

死義至說公孫丞相如發蒙耳

歸去方知冀北空

續韓

愈言伯樂一過冀北

之野而馬羣遂空

獨鶴不須驚夜旦

續雞知將旦

羣

鳥未可辨雌雄

續詩誰知鳥之雌雄次公先生詩秦

廬

山自古不到處得與幽人子細窮

和劉道原寄張思民

仁義大捷徑

子仁唐隱逸傳仕塗捷徑

詩書一

旅亭

次公先生詩案云此譏諷朝廷

進用之人以仁義為捷徑詩書為旅亭也

相誇綬若若

續石顯與牢梁五鹿充宗結為黨友諸附

侍者皆得寵位民歌之曰牢耶石耶五鹿客耶印何累累綬若若耶

猶誦麥青青

援莊子儒以詩

禮發冢曰詩固有之曰青青之麥生於陵陂生不布施死何含珠為

腐鼠何勞嚇

續莊子秋水篇

鵠得腐鼠鵠鵠過之仰而視之曰嚇

高鴻本自冥

厚法言鴻飛冥冥弋人何慕焉

顛狂不

用喚酒盡漸須醒

是日宿水陸寺寄北山清順僧二首

子暈接園水陸院在清湖

橋今廢

草沒河堤雨暗村寺藏修竹不知門拾薪煮藥憐僧病

掃地焚香淨客魂

邵老國史補云韋應物性高潔鮮食寡慾所在焚香掃地而坐

農事

未休侵小雪佛燈初上報黃昏年來漸識幽居味思與

高人對榻論

次公高人指言清順也

長嫌鐘鼓聒湖山此境蕭條却自然乞食遶村真為飽

無言對客本非禪披榛覓路衝泥入

次公次選趙景真與嵇茂齊書曰涉

澤求嘆披榛覓路

洗足關門聽雨眠遙想後身窮賈島夜寒應

聳作詩肩

厚賈島嘗為僧名無本次公韓詩石
為聯句序彌明袖手竦肩而高吟

用和人求筆跡韻寄羣老

君不見夷甫開三窟

續王衍字夷甫居宰輔不以國為
念而思自全之計乃以弟澄為荆

州族弟敦為青州因謂曰荆州有江漢之固青州有負
海之險卿二人在外而吾留此足以為三窟矣識者鄙
之

不如長康號癡絕

厚顧愔之字長康桓溫嘗云愔之
體中癡點各半合而論之正得其

平耳故俗傳愔之
才絕畫絕癡絕

癡人自得終天年智士死智罪莫雪

困窮誰要卿料理舉頭看山笏拄頰

援王徽之為桓冲
參軍冲嘗謂徽之

曰卿在府日久比當相料理徽之初不酬答直
高視以手扳拄頰云西山朝來致有爽氣耳

野鳥翅

重自不飛黃鶴何事兩翼垂泥中相從豈得久今我不
往行恐遲江夏無雙應未去

援黃香能文章京師號曰天下無雙江夏黃童此以

言魯直也魯直華老哥

恨無文字相娛嬉

寄劉孝叔

次公劉述湖州吳興人

君王有意誅驕虜推碎銅山鑄銅虎

續漢文帝二年初與郡守銅虎符第

一至第五國家當發兵遣使者至郡合符符合乃聽受之以代古之牙璋從簡易也次公銅山節通所鑄錢處

聯翩三十七將軍走馬西來各開府

次公先生詩案熙寧八年四月十一

日賦作詩送劉述賦為是時朝廷遣使諸路點檢軍器及置三十七將軍試將為今上有意征討北敵以譏朝

廷及置將官張皇不便也柳子厚詩云
漢家三十六將軍東方雷動橫陣雲

南山伐木作車

軸東海取蠶漫戰鼓汗流奔走誰敢後恐乏軍興汙資

斧

次公易得
其資斧

保甲連村團未遍方田訟牒紛如雨爾來

手實降新書抉剔根株窮脉縷詔書惻怛信忠厚吏能

淺薄空勞苦

次公詩案又云自南山伐木作車軸至吏
能淺薄空勞苦此譏諷法令屢變事日繁

多吏不
能辨集

平生學問止流俗衆裏笙竽誰比數

續齊宣王
好竽必三

百人齊吹東郭先生不知竽
而濫於三百人以吹竽食祿

忽令獨奏鳳將雛

次公拱
吳競樂

府古題要云鳳將
雛漢世樂曲名也

倉卒欲吹那得譜況復連年苦饑饉

剝齧草木啖泥土今年雨雪頗應時又報蝗蟲生翅股

憂來洗盞欲強醉寂寞虛齋卧空無公厨十日不生煙

更望紅裾踏筵舞

次公詩案又云自況復連年苦饑饉至更望紅裾踏歌舞招云近日齋厨

索然可笑言近來饑荒飛蝗蔽天以譏朝廷行法事多闕失又言酒食無備公厨蕭索以譏諷朝廷減削公使

錢太甚公事既冗早蝗又甚或政巨蕃尚如此窘迫耳

故人屢寄山中信只有當

歸無別語

續晏離天水人既歸蜀得母書令求當歸繼日但有遠志不在當歸厚吳志太史慈傳曹

公聞慈名適慈書以篋封之發省無所適而但野當歸援羅公遠寄玄宋以蜀當歸

方將雀鼠偷

太倉

續退之詩家請官供不報答無異雀鼠偷太倉

未肯衣冠挂神武

厚陶弘景脫朝

服挂神武門
上表辭祿

吳興文人真得道平日立朝非小補自從

四方冠蓋開歸作二浙湖山主

次公詩案又云以譏執政近日提舉所至苛碎

生事可怪故劉

述乞官歸湖州

高蹤已自雜漁釣大隱何曾棄簪組

續王

康琚反招隱詩大隱

隱朝市小隱隱藪澤

去年相從殊未足問道已許談其

粗逝將棄官往卒業

次公莊子卒業於夫子

俗緣未盡那得覩公

家只在雲溪上上有白雲如白羽應憐遶退苦皇皇更

把安心教初祖

續傳燈錄慧可問達磨曰諸佛法印可得聞乎師曰諸佛法印匪從人得可曰

我心未寧乞師與安師曰將心來與汝安曰覓心了不可得師曰吾與汝安心竟

寄呂穆仲寺丞

孤山寺下水侵門，每到先看醉墨痕。楚相未忘談笑是，

續史記楚相孫叔敖病且死，屬其子曰：「我死，汝必貧困。」若往見優孟，數年其子窮困，負薪逢優孟，曰：「我，孫叔敖之子也。」優孟曰：「若無遠有所之，即為孫叔敖教衣冠抵掌談笑，歲餘，象孫叔敖，楚莊王大驚，以為叔敖復生也。欲以為相，優孟曰：『婦言懷無為楚相，如孫叔敖教為相，盡忠今死，子無立錫之地。』於是莊王召孫叔敖子封之，寢丘中郎不見典型存。」
杭有伶人善學呂舉措酷似別後常令作之以為笑，厚後漢孔融與蔡邕善，邕卒後有虎賁士貌類邕，融每酒食引與同坐，曰：『雖無老成人，尚有典型。』

君先去踏塵埃

陌我亦來尋桑棗村，回首西湖真一夢。灰心雙鬢更休

論

援唐裴度詩灰心緣
忍事雙鬢為論兵

寄黎眉州

堯卿名醇字希聲慶曆六年賈黯勝及
第熙寧八年以尚書屯田郎中知眉州

膠西高處望西川應在孤雲落照邊瓦屋寒堆春雪後

峨眉翠掃雨餘天

次公瓦屋在雅州榮
經縣峨眉在嘉州

治經方笑春秋

學

續王荆公不好春秋
目之曰破爛朝報

好士今無六一賢

君以春秋受
知歐陽文忠

公公自號
六一居士

且待淵明賦歸去共將詩酒趁流年

代書答梁先

此身與世真悠悠蒼顏華髮誰汝留強名太守古徐州

忘歸不如楚沐猴

厚韓生說項羽都關中羽懷思東歸曰富貴不歸故鄉如衣繡夜行韓生

曰人謂楚人沐猴而冠果然

魯人豈獨不知丘

續魯人不知孔子曰此吾東家丘也

隣夫子無罪尤

厚莊子殺夫子者無罪藉夫子者無集

異哉梁子清而修

不遠千里而從游瞭然正色懸雙眸世之所馳子獨不

一經通明傳節侯

援韋賢謚節侯通經歷位丞相子玄成復以明經歷位丞相鄒魯諺曰道

子金滿贏不如教一經

小楷清絕規模歐

梁生學歐陽公書

我衰廢學懶

且媿畏見問事賈長頭

續後漢賈逵自為兒童嘗在太學不通人問事身長八尺二寸

諸儒為之語曰問事不休賈長頭

別來紅葉黃花秋夜夢見之起坐愁

遺我駸石盆與甌黑質白章聲琳球謂言山石生澗溝

追琢尚可王公差

續左傳苟有明信澗溪沼沚之毛可薦于鬼神可羞于王公

感子

佳意能無酬反將木衣報珍投學如富貴在博取仰取俯拾無遺籌道大如天不可求修其可見致其幽願子篤實慎勿浮發憤忘食樂忘憂

次韻舒教授寄李公擇

草書絕妙吾所兄真書小字猶抗衡

續王羲之曰我書此鍾繇當抗衡此

張芝草猶當鴈行也

論文作詩俱不敵看君談笑收降旌去年踰

月方出晝為君劇飲幾濡首

次公易未濟上九象曰飲酒濡首亦不知節也今

年過我雖少留寂寞陶潛方止酒

此行公擇病酒多不飲續陶潛有止酒詩

見本集

別時流涕攬君鬚懸知此懼墮空虛松下縱橫餘

屐齒門前輾轆想君車怪君一身都是德近之清潤淪

肌骨細思還有可恨時不許藍橋見傾國

公擇有婢名雲英屢欲出

不果續傳奇裴航遇雲翹夫人作詩以達意夫人答詩

云一飲瓊漿百感生玄霜搗盡見雲英藍橋便是神仙

窟何必崎嶇上玉京後航過藍

橋觀女子名雲英遂成姻得道

作詩寄王晉卿忽憶前年寒食北城之游走筆為

此詩

北城寒食煙火微
落花胡蝶作團飛
王孫出游樂忘歸
門前驄馬紫金鞿
吹笙帳底煙霏霏
行人舉頭誰敢睨

扣門狂客君不麾
更遣傾城出翠幃

厚擲子厚詩翠幃雙卷出傾城

書

生老眼省見穉畫圖
但覺周昉肥

續周昉善畫美人極精妙然多失之肥

別來春物已再菲
西望不見紅日圍
何時東山歌采薇

次公東山東征之詩也采薇三章詩言曰歸曰歸

把盞一聽金縷衣

罷徐州往南京馬上走筆寄子由五首

更民莫扳援歌管莫淒咽吾生如寄耳寧獨為此別別

離處處有悲惱緣愛結而我本無恩此涕誰為設紛紛

等兒戲鞭鞅遭割截

續姚崇罷荊州牧所乘馬鞭鞅民皆截留之

道邊雙石

人幾見太守發有知當解笑撫掌冠纓絕

次公史記滑稽傳楚文發

兵加齊齊王使淳于髡之趙請救兵賁金百斤車馬十駟淳于髡仰天大笑冠纓索絕

父老何自來花枝裊長紅

堯卿方俗送官罷任以花枝挂綵謂之長紅

洗盞

拜馬前請壽使君公前年無使君魚鼈化兒童舉鞭謝

父老正坐使君窮窮人命分惡所向招災凶水來非吾

過去亦非吾功

古汴從西來迎我向南京東流入淮泗送我東南行
別還復見依然有餘情春雨漲微波一夜到彭城過我
黃樓下朱欄照飛甍可憐洪上石誰聽月中聲

前來過南京麥老櫻桃熟今來舊游處櫻麥半黃綠
歲月如宿昔人事幾反覆青衫老從事

次公言子由也時子由從張安道僉

書南京

坐穩生髀肉

續蜀志先主在荊州牧劉表座上起如廁慨然流涕還坐表怪問之

曰平常身不離鞍髀肉皆消今不復騎髀裏肉生日月若馳老將至矣而功業不建是以悲耳

聯翩閱

三守迎送如轉轂歸耕何時決田舍我已卜

卜田向何許石佛山南路

厚石佛山在眉州眉山縣之南

下有爾家川

千畦種秔稌山泉宅龍蜃

信民物類相感志蜃龍也狀如螭龍如池井間有則吐氣

為雨今吳山陰井泉不竭者蓋有焉

平地流膏乳異時敵一金

子仁東方朔曰豐鎬

之閭號為土膏其價畝一金

近欲為逃戶逝將解簪紱賣劍買牛具

故山豈不懷廢宅上蒿櫓

次公蒿蓬蒿也櫓字集韻云木自生也

便恐桐

鄉人長祠仲卿墓

續前漢朱邑字仲卿少時為鄉里番夫遇民有恩吏民敬愛焉後以治行

第一人為大司農病且死屬其子曰我為鄉吏其民愛我必葬我桐鄉後世子孫奉嘗我不如桐鄉民及死

其子葬之桐鄉西郭外民果
共為邑立祠歲時祠祭不絕

過淮三首贈景山兼寄子由

好在長淮水十年三往來功名真已矣歸計亦悠哉今

日風憐客

堯祖唐旄肩吾及第過揚子江詩曰今日更
春草復來經此過江神也世情為我風色好

平時浪作堆晚來洪澤口捍索響如雷

過淮山漸好松檜亦蒼然靄靄藏孤寺泠泠出細泉故

人真更隱

次公汝南先賢傳鄭
欽吏隱于蟻陂之陽

小檻帶巖偏却望臨淮

市東風笑語傳

回首睢陽幕簿書高没人何時桐栢水

續桐栢山在唐州桐栢縣淮水

所出一洗庾公塵

厚王瑊遇西風以扇障面曰元規塵汗人

此去漸佳境獨遊

長慘神待君詩百首來寫浙西春

僕去杭五年吳中仍歲大饑疫故人往往逝去聞

湖上僧舍不復往日繁麗獨淨慈本長老學者益

盛作此詩寄之

來往三吳一夢間故人半作冢累累然

次公丁令威云城郭如故人民非何

不學仙

獨依舊社傳真法要與遺民度厄年趙叟近聞

還印綬

續謂資政趙公并致政得謝

竺翁先已返林泉

次公竺翁指言淨慈本長

也何時策杖相攜去任性逍遙不學禪

次韻和劉貢父登黃樓見寄并寄子由二首

青派連淮上黃樓冠海隅

次公青派即清河也其水從青州來與淮會于徐

此

詩尤偉麗夫子計魁梧

劉為人短少續前漢張良傳贊曰聞張良之為智勇以為其貌

魁梧奇偉反

世俗輕瑚璉巾箱襲武夫坐令乘傳遽

續

若婦人女子

遽使車奔走為儲須

厚儲須謂軍儲軍須

邂逅我已失登臨誰與

俱貧貪倉氏粟

次公漢王嘉傳有倉氏庾氏

身聽冶家樞

接樞與樸同莊子以

造化為

會合難前定歸休試後圖腴田未可買窮鬼却

須呼

本欲買田於泗上近已不遂矣續退之作送窮文云三揖窮鬼而送之

二水何年到

雙洪不受矰

次公二水指徐州蓋汴泗交流為二水矣公自徐徙知湖州則去二水為遠雙洪未

詳所在豈言徐州有百並洪乃其一耶

至今清夜夢飛轡策天吳

厚山海經朝陽

谷神曰天吳是為水伯

與子皆去國十年天一隅數奇逢惡歲

續李廣從衛青擊匈奴青陰受

上音以廣數奇毋令當單干

計拙集枯梧

續國語優施謂里克妻曰主孟啗我我教茲暇豫事

乃歎曰暇豫之吾吾不如鳥鳥人皆集於苑已獨集於枯注集止也苑茂木貌

好士餘劉表

厚表

為荊州刺史愛民養士學士歸者千數

窮交憶灌夫

援前漢賈嬰失勢諸公引去惟灌夫獨留

故二人相為引重

不矜持漢節

續燕武留匈奴中仗漢節收羊海上

猶許攬桓須

厚晉書謝安有構會之嫌帝嘗召桓伊撫箏而歌怨詩聲節慷慨安泣下起將其須曰使君於此不几

清

句金絲合高樓雪月俱吟哦出新意指畫想前撫

子由初赴

南京送之出東門登城上覽山川之勝云此地可作樓觀於是始有改築之意

自寫千言意新

裁六幅圖

近以絹自寫子由黃樓賦為六幅圖甚妙

傳看一坐聳勸著尺書

呼莫使騷人怨東流不到吳

此詩寄子由

今年正月十四日與子由別於陳州五月子由復

至齊安未至以詩迎之

驚塵急雪滿貂裘淚灑東風別宛丘

次公宛丘陳州也陳國風有宛丘之

篇

又向邯鄲枕中見

任太平廣記有客遇呂仙翁於邯鄲逆旅自言久不得意仙翁乃以

一枕與之客就枕即夢入枕中仕宦數十年甚愜意及覺所歎黃粱猶未熟也

却來雲夢澤南

州

厚杜牧之齊安郡詩平生睡足成雲夢澤南川

睽離動作三年計牽挽當為

十日留早晚青山映黃髮相看萬事一時休

柳子厚別劉夢得詩

云皇恩若許歸田去黃髮相看萬事休次公先生本注蓋自是兩詩柳云皇恩若許歸田去晚歲當為鄰舍翁

劉云揭排若便遺身世黃髮相看萬事休

曉至巴河口迎子由

去年御史府舉動觸四壁

次公此蓋先生言其對吏時也

幽幽百尺井

仰天無一席隔牆聞歌呼自恨計之失留詩不忍寫

次公

先生獄中嘗有二詩寄子由所謂是處青山可藏骨他年夜而獨傷神

苦淚漬紙筆餘生

復何幸樂事有今日江流鏡面靜煙雨輕幕幕孤舟如
鳬鷺點破千頃碧聞君在磁湖欲見隔咫尺朝來好風
色旗尾西北擲行當中流見笑眼清光溢此邦疑可老
修竹帶泉石欲買柯氏林茲謀待君必

昔在九江與蘓伯固唱和其略曰我夢扁舟浮震
澤雪浪橫空千頃白覺來滿眼是廬山倚天無數
開青壁蓋實夢也昨日又夢伯固手持乳香嬰兒
示予覺而思之蓋南華賜物也宜復與伯固相見
於此耶今得來書知已在南華相待數日矣感歎
不已故先寄此詩

扁舟震澤定何時滿眼廬山覺又非春草池塘惠連夢

厚謝惠連靈運之族弟也靈運作詩未就夢見
惠連覺而得池塘生春草之句自以為有神助

上林鴻

鴈子卿歸

續蘇武在匈奴中昭帝遣和親使謂單于曰天子賜上林中得鴈足有繫帛書言武在某

澤中單于大驚

乃使武歸漢

水香知是曹溪口

次公此句正以言南華矣天監元年有婆

羅門智樂者南游至曹溪口掬水聞香云

此必勝也可建道場故於是南華寺也

眼淨同看古

佛衣

次公維摩經云遠塵離垢得法眼淨故先生屢用此字如云水洗禪心俱淨眼又云眼淨不覩登伽

女是也

不向南華結香火

子仁樂天詩本結菩提香火社為嫌煩惱電泡身

此生

何處是真依

夢中作寄朱行中

十朋舊傳先生本序云前一日夢作此詩寄朱行中覺而記之

自不曉所謂謾寫去夢中分明用此色紙也

舜不作六器

次公周禮宗伯以玉作六器書舜典修五禮五玉注五等諸侯所執之玉也

誰

知貴璵璠

次公璵璠魯國之寶玉也逸論語載孔子曰美哉璵璠遠而望之煥若也近而視之瑟若

也一則理勝一則膚勝春秋書陽虎竊寶玉大弓解者謂寶玉即此璵璠也

哀哉楚狂士抱

璞號空山

任劍向新序荆人卞和得玉璞而獻之荆厲王使玉工相之工曰石也王以和為慢而刑

其左足厲王薨武王即位和復奉玉璞而獻之王使玉工相之人曰石也又以為慢而刑其右足及共王即位和奉玉璞而哭於荆山中共王聞之乃使人理其璞而得寶焉名曰和氏之璧相如起睨柱頭

璧與俱還

厚史記趙王得和氏之璧秦王聞之使人請以十五城易之趙王使藺相如奉璧入秦相

如視秦王無意償趙城乃前曰璧有瑕請示王王授璧相如因持璧却立睨柱欲以擊柱曰臣頭今與璧俱碎

於柱矣泰王乃辭
謝卒以完璧歸趙

何如鄭子產有禮國自閑雖微韓宣

子鄙夫亦辭環

續左傳昭十六年晉韓宣子有環其一在鄭商宣子謁諸鄭伯子產弗與曰大

國之求無理以斥之何贖之有宣子私覲於子產子命起舍夫玉而免吾死也敢不措手以拜至今不

貪寶

續左傳襄十五年宋人或得玉獻之子罕子罕不受曰爾以玉為寶我以不貪為寶

凜然照

塵寰

懷西湖寄晁美叔同年

名端彥

西湖天下景游者無愚賢淺深隨所得誰能識其全嗟
我本狂直早為世所捐獨專山水樂付與寧非天三百

六十寺幽尋遂窮年所至得其妙心知口難傳至今清
夜夢耳目餘芳鮮君持使者節風采爍雲煙清流與碧
嶽安肯為君妍胡不屏騎從高歐陽永叔游石子澗詩云使君厭騎從車馬留山
前暫借僧榻眠讀我壁間詩清凉洗煩煎策杖無道路
直造意所便應逢古漁父葦間自黃緣續出莊子漁父篇問道
若有得買魚莫論錢

春步西園見寄

和孔密州

歲歲開園成故事年年行樂不辜春今年太守尤難繼

慈愛聰明惠利人

續前漢馮奉世子五人曰諱曰野王曰逵曰立曰參野王立相代為上郡

太守民歌之曰大馮君小馮君兄弟繼踵相因循聰明慈愛惠吏民政如魯衛德化均周公康叔猶二君

叔弼云履常不飲故不作詩勸履常飲

我本畏酒人臨觴未嘗訴平生坐詩窮得句忍不吐

酒茹好詩肝胃生滓汙用此較得喪天豈不足付吾儕

非二物歲月誰與度悄焉得長愁為計已大誤二歐非

無詩恨子不飲故強為釀一酌將非作愁具成言如皎

日援筆當自賦

次公詩曰有如皎日

他年五君詠山王一時數

送碧香酒與趙明叔教授

聞君有婦賢且廉勸君慎勿為楚相

續史記楚王欲相優孟優孟曰請歸

與婦計之三日孟復來曰婦言慎勿為楚相

不羨紫駝分御食

厚杜詩紫駝之峯出翠釜

又云御厨絳綬送八珍

旬遣赤脚沽村釀嗟君老狂不知愧更吟

醜婦惡嘲謗諸生聞語定失笑冬煖號寒卧無帳

續進學解

云冬煖而兒號寒年登而妻啼饑

碧香近出帝子家

次公謂王駉馬家造碧香酒也

鵝

兒破殼酥流盎不學劉伶獨自飲一壺往助齊眉餉

續梁

鴻為人賀春每歸妻孟光為具食舉案齊眉

初秋寄子由

百川日夜游物我相隨去惟有宿昔人依然守故處憶

在懷遠驛

子仁懷遠驛蓋先生與子由應制京師時嘗寓於此是歲嘉祐五年也

閉門秋

暑中藜羹對書史

無逸堂澤叢書載陸龜蒙復友生論文書云讀古聖人書每涵泳義味擲

坐曰是案上一杯藜羹如五鼎太牢饋於左右

揮汗與子同西風忽淒厲落日

穿戶牖子起尋袂衣感歎執我手朱顏不可恃此語君

勿疑別離恐不免功名定難期當時已悽斷況此兩衰

老失塗既難追學道恨不早買田秋已議

子仁黃州東南三十里地

名沙湖先生
嘗買四其間

築室春當成雪堂風雨夜已作對牀聲

寄蘄簞與蒲傳正

蘭溪美箭不成笛

次公蘭溪在蘄州蘄水縣竹所出之地也本是笛材而以之為簞耳韓退

之鄭羣贈簞詩亦云蘄州笛竹天下知鄭公所寶尤環奇

離離玉筍排霜脊千溝萬

縷自生風入手未開先慘慄公家列屋閉蛾眉珠簾不

動花陰移霧帳銀牀初破睡牙籤玉局坐彈碁

甄沈存中筆談

載西京雜記云漢元帝為彈碁之戲有譜一卷盡唐人
所為其局方一尺中心高如覆孟其顛為小壺四角微
起李商隱詩曰玉作彈碁局
中心最不平謂其中高也

東坡病叟長羈旅凍餓饑

吟似飢鼠倚賴春風洗破衾一夜雪寒披故絮

子仁晉
吳隱之

字處默雖居清顯祿賜皆頒親族冬月無被漸衣乃披其絮

火冷燈清誰復知孤舟

兒女自嚙呿皇天何時反炎燠愧此八尺黃琉璃

厚退
之鄭

羣贈輩詩誰謂故人知我意卷送八尺含風猗又云攜來當畫不得卧一府傳看黃琉璃願公淨掃

清香閣

次公清香閣則韋蘇州詩宴寢凝清香

卧聽風猗聲滿榻習習還

從兩腋生請公乘此朝閭闔

寄怪石石斛與魯元翰

魯少卿也

山骨裁方斛

次公石鼎聯句云巧匠斲山骨

江珍拾淺灘清池上几案

碎月落杯盤

次公清池言石斛碎月言怪石

老去懷三友平生困一簞

堅姿聊自傲秀色已堪餐

師大業拾遺吳絳真善畫長城隋煬帝云此女秀色可食

陸士衡詩鮮膚一何潤秀色若可食好去髯卿舍

次公髯卿指言魯元翰前卷所謂髯來意彌敦

也憑將道眼看東坡最後供

子仁先生嘗以怪石供佛印作怪石供後又以供參

寥子作後怪石供云霜雪照人寒

寄吳德仁兼簡陳季常

東坡先生無一錢十年家火燒凡鉛黃金可成河可塞

續漢書郊祀志樂大與武帝言黃金可成河決可塞不死之藥可得仙人可致只有霜鬚無由

玄龍丘居士亦可憐談空說有夜不眠忽聞河東師子

吼

次公龍丘居士指言陳季常也河東師子事有王硯字達觀本嘉州犍為人舊在江南武昌居名天常嘗

從先生游先生有與李琮書云王天常奉職所言邇事云云者是已達觀為次公言季常之妻柳氏最悍妬每季常設客有聲妓柳氏則以杖擊照壁大呼客至為散去拄杖落手心茫然誰似濮

陽公子賢

次公濮陽公子言吳德仁也

飲酒食肉自得仙平生寓物

不留物在家學得忘家禪門前罷亞十頃田

續杜牧郎齋獨酌詩

罷亞百頃指西風吹半黃

清溪遶屋花連天溪堂醉卧呼不醒落花

如雪春風顛我遊蘭溪訪清泉已辦布襪青行纏稽山

不是無賀老我自興盡回酒船恨君不識顏平原

援唐書顏

真卿為平原太守安祿山反河朔盡陷唯真卿城守具備玄宗聞之喜曰朕不識真卿何如人所為得如此

恨我不識元魯山

續元德秀字紫芝為魯山令蘇元明謂人曰吾不幸生衰俗所不耻者識

元紫芝

銅駝陌上會相見

厚索靖知天下得亂指洛陽宮門銅駝曰會見汝在荆棘中

握手一笑三千年

續真卿嘗得召藥後為李希烈所害發棺瞋目如生時隱士曹庸生曰後

三千年必能破壁而去

謝王澤州寄長松兼簡張天覺二首

莫道長松浪得名能教覆額兩眉青便將徑寸同千尺

知有奇功似茯苓

次公近世有患大風疾者自分必死入五臺山遇一異僧以長松草令服

而兩眉再生云蓋觀世音所化也

憑君說與埋輪使

養源前張綱為使者埋輪道中

速寄長松作解嘲

張

覺詩有理及河東慳之語

無復青黏和漆葉枉將鍾乳敵仙茅

續樊河從

華佗求方可服食益於人者佗以漆葉青黏散與之又本草云千斤鍾乳不若一斤仙茅也

寄蔡子華

故人送我東來時手栽荔子待我歸荔子已丹吾髮白

猶作江南未歸客江南春盡水如天

援柳子厚詩云洞庭春盡水如天

腸斷西湖春水船想見青衣江畔路

師蔡子華名褒乃眉之青神人也

白魚紫笋不論錢霜髯三老如霜檜

堯卿先生曰王十六秀才將歸蜀云

子華宣德蔡文見記求詩夢中爲作四句覺而成之以寄子華仍請以示楊君素王慶源二老人乃元祐五年

二月七十也所謂三老者如此其後子華之孫汝礪持此詩來時東坡猶在零陵使人拊卷太息又云余聞太

師公剛介而靜少所許可觀其與蔡子華書則知子華必可人耳

舊交零落知誰輩莫

從唐舉問封侯

續史記蔡澤從唐舉相曰富貴吾所自有吾所不知者壽也願聞之

但遣

麻姑更肥背

堯卿神仙王遠降蔡經家召麻姑來經見麻姑手如鳥爪意可爬背遠道鐵鞭鞭之

留別釋迦院牡丹呈趙倅

春風小院初來時，壁間唯見使君詩。應問使君何處去，

憑花說與春風知。年年歲歲何窮已，花似今年人老矣。

去年崔護若重來，

厚麗情集載崔護清明獨游都城南，得居人莊叩門求飲，有女子開門以

孟水至，及來歲清明護往尋之，則門已扃鎖，因題詩曰：去年今日此門中人面桃花相映紅，人面不知何處去。

桃花依舊笑春風。

前度劉郎在千里。

召還至都門先寄子由

邦衡先生知揚州未開歲以兵部尚書召還兼侍讀

老身倦馬河堤永，踏盡黃榆綠槐影。荒雞號月未三更，客夢還家時一頃。歸老江湖無歲月，未填溝壑猶朝請。黃

門殿中奏事罷

子仁唐紀明皇開元元年改門下省為黃門省今以言子由時為黃門侍郎也

詔

許來迎先出省已飛青蓋在河梁定餉黃封兼賜茗遠來無物可相贈一味豐年說淮頽

紫團參寄王定國

谿訝土門口突兀太行頂

厚本草注人參生於路州太行山上謂之紫團參

豈

惟團紫雲實自俯倒景剛風被草木

厚抱朴子載鵝鶩展翅不動去地四

十里風力猛壯所以可驗有剛風世界也

真氣入茗頽

次公陸機文賦云茗發頽豎

舊聞

人銜芝

厚本草人參一名人銜

生此羊腸嶺

次公前漢地理志上黨壺關縣有羊腸阪

纖纖虎豹鬣威縮龍蛇癭蠶頭試小嚼

厚俗稱人參如蠶頭者最良

龜息變方騁

厚唐書袁天綱李嶠同宿袁聽嶠息在耳中賀曰即君貴壽此龜息也

矧予

明真子已造浮玉境清宵月挂戶半夜珠落井

厚珠落井以言

嚙納也黃庭外景經抱珠懷玉和子室注云珠玉謂津液室謂身也令人煉津液以理一身也

灰心寧

復然

續前漢韓安國為獄吏田甲所辱曰死灰獨不復然乎

汗喘久已靜

厚本草圖經人

參大治喘相傳欲試上黨人參者使二人同走一與人參含之則氣息自如不含者必大喘也

東坡猶

故曰北藥致遺秉

次公借用詩遺秉滯穗之語

欲持三桮根

次公本草注高

麗人作人參贊曰三桮五葉背陽向陰

往侑九轉鼎為予置齒頰豈不賢

酒茗

寄館合刷餅與子由

老人心事日摧頽宿火通紅手自培小甑短餅良具足
穉兒嬌女共燭煨寄君東閣閒蒸栗知我空堂坐畫灰
約束家僮好收拾故山黎棗待翁來

寄虎兒

獨倚桄榔樹

厚廣志桄榔樹大四五圍長五六丈突直旁無條幹枝可作杖其顛生葉不過數十

閒挑萆撥根

厚本草圖經萆撥生波斯國今嶺南有之多生竹林內正月發苗作叢高三四尺

謀生看拙否送老此蠻村

枕榔杖寄張文潛一首時初聞黃魯直遷黔南范

淳父九疑也

九疑見吾謫海南子由
謫雷被命卽行詩註

睡起風清酒在亡身隨殘夢兩茫茫江邊曳杖枕榔瘦

林下尋苗草撥香獨步儻逢勾漏令

續晉書葛洪字稚川聞交趾出丹砂

求為勾漏令後
隱於羅浮山

遠來莫恨曲江張

次公唐書張九齡韶州曲江人當時號為

張曲江曲江為相建言放臣不宜與善地故
八司馬之竄皆在醜地劉禹賜有詩追恨之

遙知魯國

真男子獨憶平生盛孝章

次公會稽典錄云盛憲字孝章有天下太名孫策欲誅之

孔文舉與曹公書意欲曹公致書救之書未至而已誅
矣初憲為臺郎路逢童子容貌非常憲怪而問之曰魯
國孔融憲異之乃載歸結為兄弟其云魯國男
子使楊彪傳融謂曹操曰孔融魯國男子也

聞正輔表兄將至以詩迎之

生逢堯舜仁得作嶺南游雖懷足然喜

續莊子逍遙空虛者聞人足音足

然而喜況昆弟親戚之聲歎其側者乎

豈免跼墮憂

厚後漢馬援曰吾在浪泊西里間虜未滅

之時下潦上霧毒氣薰蒸仰視飛鳶跼跼墮水中

莫雨侵重脰

援左傳韓獻子云郇瑕氏之地

土薄水淺於是乎有重脰之疾

曉煙騰鬱攸

厚左傳哀二年司鐸火火踰公宮桓僖從百官官備

府庫慎守官人肅給濟濡惟慕鬱攸從之

朝槃見蜜啣

厚朝野僉載嶺南獠人好為蜜啣啣鼠子

未瞬通身赤濡者伺之以密置之壘上聒聒
而行以箸挾取啖之唧唧作聲故曰密唧
夜枕開鵲

鵲次公鵲鵲莊子所謂夜撮蚤見毫末
者益怪禽也廣南人謂之玄鵲鳥
幾欲烹鬱屈厚

之南食詩惟地舊所識實憚口服寧開籠聽其去鬱屈
尚不平又陸龜蒙苦熱詩蛇煩爭鬱屈蟹躁實郭索

固嘗饌鉤輈厚鉤輈鵲也其鳴云格磔鉤輈故退之
詩云鵲鵲鉤輈猱猱又李羣玉詩云方

穿詰曲崎嶇路又
聽鉤輈格磔聲
舌音漸獠變面汗嘗駢羞次公言作

也駢蓋言面赤也退之南食
詩腥臊始發越吞咀面汗駢賴我存黃庭厚黃庭內景
守黃庭晝夜存之可長

生注云黃庭即黃庭
有時仍丹丘厚楚詞遠遊云仍
不死之舊鄉注云因就衆仙

于明光也丹丘晝夜常明也目聽不任耳厚列子老聃
之弟子有亢

倉子者得聃之道能以耳視而目聽魯侯聞之使上卿
厚而致之卑詞而問焉亢倉子曰傳者之妄也我能視
聽不用耳目不用踵息殆廢喉次公莊子至人之息以喉稍欣
能易耳目之用

素月夜遂度黃茆秋我兄清廟器任唐書李珣為殿中侍御史宰相韋處厚

曰清廟之器豈擊搏才乎除禮部員外郎是也持節瘴海頭蕭然三家步次公廣南

謂江之游凡舟可縻而上下者曰步出橫此萬斛舟厚

國志王審知聞徐寅名辟居幕下寅不樂一旦拂衣去曰丈尺之水前波後堰也能容萬斛之舟乎人言

得漢吏天遣活楚囚次公漢吏以言正輔惠然再過我

樂哉十日留但恨參語賢次公前漢楊敞傳霍光遣田延年報敞以廢昌邑王事敞

汗流浹背不知所應其夫人從東廂出與敬及
延年參語許諾注云三人共言故云參語也
忽潛九

原幽萬里儻同歸兩鰥當對援
近亦有亡嫂之戚故云

強歌非真達何必師莊周
次公莊子妻死其踞鼓盆而歌

再和

稚川真長生少從鄭公游
厚晉書葛洪字稚川從祖玄
吳時學道得仙以其煉丹秘

術授弟子鄭隱洪就
隱學悉得其法矣
孝章偶不死免為文舉憂餘齡會

有適獨往豈相攸
次公詩韓奕篇為韓姞相攸
莫如韓樂箋云相視攸所也由來警

露鶴
厚周處風土記白鶴性警至八月
露降流於草木上滴滴有聲則鳴
不羨撮蚤鵲
續

子鵠鵠夜撮蚤察毫末畫出瞑願加視後鞭厚莊子善目而不見丘山疏云鵠鵠也

牧羊然視其同駕躅空軻厚唐逸史載東幼霞夢為蒼後者而鞭之

句云昔乘魚車今履瑞寧食墮齒董次公唐書明皇謂雲躅空仰塗綺絡輪困

董無苦者奇士乃取以飲張果三進頽然是佳酒也乃寢頃視齒皆焦且薰乃以鉄如意擊墮之取藥傳其齒

良久復生勿憶齊眉羞何時遂縱壑歸路同首丘續禮記狐言不志

本也泉岡松柏老西嶺橘柚秋着意尋彌明長頸高

結喉厚退之石鼎聯句序言侯喜新有能詩聲夜與劉說詩道士軒轅彌明在其側長頸而高結喉又作

楚語喜視之若無人無心逐定遠燕頤飛虎頭君方卒功名一汎

范蠡舟我亦霑霑渥漸解鍾儀囚

援左傳晉侯觀于軍府曰南冠而縶者誰

也曰鄭人所獻楚囚也使脫之云元符三年庚辰先生在儋州會徽宗登極赦量移廉州安置

寧須張

子房萬戶自擇留

續漢書高祖自擇齊三萬戶欲以封張良良曰始臣起下邳與上會留臣

願封留足矣

猶勝嵇叔夜孤憤甘長幽南憲可寄傲北山早

歸耜此語君勿疑老彭跨商周

厚世本云彭祖在商為守藏史在周為柱下史

年八百歲

十二月十七日夜坐達曉寄子由

燈燼不挑垂暗藥香爐重撥尚餘熏清風欲起鴉翻樹

缺月初升犬吠雲

厚遜之詩缺月頻屢瞰敬夫野人閑話載杜光庭犬名曰吠雲臨終命以

油塗足以緇表之云可行萬里

閉眼

此心新活計隨身孤影舊知聞雷

州別乘應危坐

次公時子由以別駕在雷州

跨海清光與子分

過於海舶得邁

寄書酒作詩遠和之皆粲然可觀

子由有書相慶也

因用其韻賦一篇并寄諸子姪

我似老牛鞭不動雨

滑泥深四蹠重汝如黃犢却走來

續杜詩憶年十五心孩健如黃犢走復來

尚海關山高百程送庶幾門戶有

八慈

次公荀淑有子稱時人謂之八

八曰儉鯢靖肅注與肅勇並有名龍而與字慈明潁川為之語曰荀

氏八龍慈明無雙注引高士傳曰靖字叔慈則人人皆以慈為字可知矣故後漢贊云二方承則八慈繼塵也

不恨居鄰無二仲

厚三輔決錄蔣詡舍中竹下開三徑惟羊仲求仲與之遊二仲皆挫志逃

名故陶淵明與子書云但恨鄰靡二仲

他年汝曹笏滿牀

援唐書崔琳每歲時宴于家設

一榻以

中夜起舞踏破甕

次公俗說有貧人止能辨販隻甕之資夜宿甕中心計曰

此甕買之若干賣之若干其息已倍矣我得倍息遂可販二甕自二甕化而為四自四甕化而為八轉買轉賣所得倍利無窮遂喜而舞不覺甕破此是戲論而先生用之以言其所希望者類此會當洗眼看

騰躍莫指癡腹笑空洞

續晉書王導常指周顗腹曰此中何所有顗曰此中空洞無一

物然能容卿輩數百人

譽兒雖是兩翁癖

厚唐書王福時嘗以諸子詫韓思彥戲曰武子

有馬癖君有譽兒癖王家癖何多耶

積德已自三世種豈惟萬一許生還

尚恐九十煩珍從

次公禮記王制云九十者天子欲有所問焉則就其室以珍從

六子

晨耕簞瓢出衆婦夜績燈火共春秋古史乃家法詩筆

離騷亦時用但令文字還昭世糞土腐餘何足夢

續或問殷

浩將蒞官而夢棺將得財而夢糞何也浩曰官本臭腐財本糞土時人以為名言

渝州寄王道矩

曾聞五月到渝州水拍長亭砌下流唯有夢魂長繚繞
共論唐史更綢繆舟經故國歲時改霜落寒江波浪收

歸夢不成冬夜永
厭聞船上報更籌

被命南遷塗中寄定武同僚

人事千頭及萬頭
得時何喜失時憂
只知紫綬三公貴
不覺黃梁一夢遊
適見恩綸臨定武
忽遭分職赴英州
南行若到江干側
休宿潯陽舊酒樓

寄高令

滿地春風掃落花
幾番曾醉長官衙
詩成錦繡開胸臆
論極冰霜繞齒牙
別後與誰同把酒
客中無日不思家

田園知有兒孫委蚤晚扁舟到海涯

寄子由

厭暑多應一向慵銀鈎秀句益疎通也知堆案文書滿
未暇開軒硯墨中湖面新荷空照水城頭高柳謾搖風
吏曹不是尊賢事誰把前言語化工

寄歐叔弼

昔葬衣冠今在否近來消息不須疑曾聞圯上逢黃石
久矣留侯不見欺

揚州以土物寄少游

鮮鯽經年秘醺醺團臍紫蟹脂填腹後春蓴茁活如酥
先社薑芽肥勝肉烏子纍纍何足道點綴盤飧亦時欲
淮南風俗事瓶甕方法相傳竟留蓄且同千里寄鵝毛
何用孜孜飲麋鹿

移合浦鄧功甫見寄

君恩浩蕩似陽春合浦何如在海濱莫趁明珠弄明月
深夜無數採珠人

憶江南寄純如五首

六言

楚水別來十載蜀山望斷千重畢竟擬為僖父憑君說
與吳儂

湖目也堪供眼木奴自足為生若問三吳勝事不惟千
里尊羹

人在畫屏中住客依明月邊遊未卜柴桑舊宅須乘五
湖扁舟

生計曾無聚沫孤蹤謾有清風治產猶嫌范蠡攜孥頗

笑梁鴻

弱累已償俗盡老身將伴僧居未許
李鷹高潔秋風直
為鱸魚

寄周安孺茶

大哉天宇內植物知幾族靈品獨標奇
迥超凡草木名
從姬旦始漸播桐君錄賦詠誰最先
厥傳惟杜育唐人
未知好論著始於陸常李亦清流
當年慕高躅遂使天
下士嗜此偶於俗豈但中土珍
兼之異邦鬻鹿門有佳

士博覽無不矚邂逅天隨翁篇章互賡續開園頤山下
屏跡松江曲有興即揮毫燦然存簡牘伊予素寡愛嗜
好本不篤粵自少年時低回客京輶雖非曳裾者庇蔭
或華屋頗見綺紈中齒牙厭梁肉小龍得屢試糞土視
珠玉團鳳與葵花硃硃雜魚目貴人自矜惜捧玩且緘
櫝未數日注卑定知雙井辱於茲自研討至味識五六
自爾入江湖尋僧訪幽獨高人固多暇探究亦頗熟聞
道早春時攜簞赴初旭驚雷未破蕾采采不盈掬旋洗

玉泉蒸芳馨豈亭宿須臾布輕縷火候謹盈縮不憚頃
間勞經時廢藏蓄髣髴淨無染箸籠勻且複苦畏梅潤
侵煖須人氣燠有如剛耿性不受纖芥觸又若廉夫心
難將微穢瀆晴天敞虛府石碾破輕綠永日遇閒賓乳
泉發新馥香濃奪蘭露色嫩欺秋菊閨俗競傳誇豐腴
面如粥自云葉家白頰勝中山醪好是一杯深午窻春
睡足清風擊兩腋去欲凌鴻鵠嗟我樂何深水經亦屢
讀子吃中冷泉次乃康王谷螭培頃曾嘗瓶甕走僮僕

如今老且懶細事百不欲美惡兩俱忘誰能強追逐薑
鹽拌白土稍稍從吾蜀尚欲外形體安能徇心腹由來
薄滋味日飯止脫粟外慕既已矣胡為此羈束昨日散
幽步偶上天峰麓山園正春風蒙茸萬旗簇呼兒為佳
客採製聊亦復地僻誰我從包藏置厨麓何嘗較優劣
但喜破睡速況此夏日長人間正炎毒

秋思寄子由

黃葉山川知晚秋小蟲催女獻功衰老松閱世卧雲壑

挽著蒼江無萬牛

清遠舟中寄耘老

小寒初度梅花嶺，萬壑千巖背人境。
清遠聊為泛宅行，一夢分明墮鄉井。
覺來滿眼是湖山，鴨綠波搖鳳皇影。
海陵居士無雲梯，歲晚結廬潁水湄。
山腰自懸蒼玉珮，野馬不受黃金羈。
門前車蓋獵獵走，笑倚清流數鬢絲。
汀州相見春風起，白蘋吹花散烟水。
萬里飄蓬未得歸，目斷滄浪淚如洗。
北鴈南來遺素書，苦言大浸沒我廬。清

齋十日不燃鼎曲突往往巢龜魚今年玉粒賤如水青
銅欲買囊已虛人生百年如寄爾七十朱顏能有幾有
子休論賢與愚倪生枉却帶經鋤天南看取東坡叟可
是平生廢讀書

東坡詩集註卷十

欽定四庫全書

東坡詩集註卷十一

宋 王十朋 撰

酬和

虔守霍大夫監郡許朝奉見和此詩復次前韻

大邦安靜治小院得閒遊
贛水雨已漲廉泉春未流
同

烹貢茗雪一洗瘴茆秋
秋思生萼鱸寒衣待橘洲
任三國志

李衡每欲治家妻輒不聽
後密遣人於武陵龍陽汎洲
上作宅種柑橘千樹死謂兒曰汝母惡我治家故窮如

是然吾州里有千頭木奴不貴汝衣食歲上一足絹亦可用矣

揚雄未有宅

續曰揚雄傳云岷山

之下有田一區

王粲且登樓

援曰王粲避董卓之亂依劉表於荊州登江陵城樓上思

歸作登樓賦

老境無多日歸心夢幾州敢因逃酒去

夷祖曰漢書劉

章為高后行酒端為和詩留舊篋藏新語清風自滿舟

七年九月自廣陵召還復館於浴室東堂八年大

月乞會稽將出汶公乞詩乃復用前韻三首

乞郡三章字半斜

次公曰蓋乞越州也

廟堂傳笑眼昏花上人問

我遲留意待賜頭網八餅茶

自注尚書學士得賜頭網龍茶一斤八餅今年網到

最遲

夢遶吳山却月廊白梅廬橘覺猶香

自注杭州梵天寺有月廊數百間寺

中多白楊梅廬橘

會稽且作須臾意從此歸田策最良

次公曰文選張

平子有歸田賦

南來去此幾時歸倦鳥孤雲豈有期斷送一生消底物

厚曰退之詩斷送一生惟有酒

三年光景六篇詩

與葉淳老侯敦夫張秉道同相視新河秉道有詩

次韻二首

君不見元帥府前羅萬戟，濤頭未順千弩射。

無已曰：吳越備史云。

梁開平四年，武肅王錢氏始築捍海塘，在候湖通江門之外。湖水晝夜衝激，版築不就，因命强弩數百以射湖。

頭又致禱於晉山祠，既而湖水避錢塘東，擊西陵，遂成堤岸。

至今鳳皇山下路。

祖謙曰：按

舊經云：鳳皇山在城中。張拭曰：郭璞臨安地記云：天目山前雨乳長龍盤鳳舞，到錢塘山下有鳳皇門。趙抃詩

云：老來重守鳳皇城。長借一箭開兩翼，我鑿西湖還舊觀。一眼已

盡西南碧，又將回奪浮山險。

饒曰：按圖經，浮山在錢塘舊治東南四十里。先生開

河秦狀云：湖水自海東來，勢若雷霆。而浮山峙於江中，以亂潮水。

千艘夜下無南北，坐

陳三策本人謀。

師曰：漢哀帝時，賈讓奏言治河有上中下三策，見溝洫志。惟留一諾

待我畫

援曰後漢汝南太守范孟博南陽宗質主畫諾

老病思歸真暫寓功名

如幻終何得從來自笑畫蛇足

師曰史記楚世家人有遺其舍人一卮酒者舍

人相謂畫蛇先成者獨飲之一人舉酒而起曰吾蛇先成吾能為之足人奪之酒而飲之曰蛇固無足今為之足是非蛇也此事何殊食雞肋

續曰楊修曰雞肋食之無所得棄之如可惜憐

君嗜好更迂濶得我新詩喜折屐

厚曰晉謝安傳玄既破苻堅有驛書至安

過戶限心甚喜

江湖粗了我徑歸餘事後來當潤色一

庵間卧洞霄宮

堯卿曰杭州有洞霄宮

井有丹砂水長赤

續曰抱朴子臨

汜縣有廖氏世老壽後移居于孫輒殘折他人居其故宅復累世壽疑其井水赤乃掘井左右得古人埋丹砂

數十斛丹汁入井
是以飲水而壽

荆溪老父愁三害下斬長蛟本無賴

師曰晉史周處陽羨人也臂力絕人

縱情肆慾州曲患之自知為人所惡乃慨然有改勵之志謂父老曰今時和歲豐何苦而不為樂邪父老嘆曰

三害未除何樂之有處曰何謂也荅曰南山白額虎長橋下蛟并子為三矣處曰吾能除之乃入山刺虎投水

斬蛟而反鄉里相慶平生倔强韓退之文字猶為鰐魚戒
次公曰韓愈刺

史湖州知鰐魚為害乃為文戒之鰐乃南徙
石門之役萬金耳首鼠不為吾

已隘江湖開塞古有數兩鵠飛來告成壞

厚曰前漢童謡曰壞陂誰

翟子威飯我豆羹芋魁反乎覆陂當復誰云者兩黃鵠
勸農使者非常人一言已

破黎民駭上饒使君更超逸

堯卿曰鄱陽郡地名為上饒

坐睨浮山

如累塊髯張乃我結襪生

次公曰張釋之傳王生者處士也常召居廷中公卿盡會

立王生謂釋之曰為我結襪釋之跪而結之人或讓王生王生曰吾自度終無益於張廷尉故聊使結襪以重

之可帝聞之賢詩酒淋漓出狂怪我作水衡生作丞次公

曰水衡與丞事別是一王生乃議曹也教龔遂之謙對上笑拜遂為水衡都尉王生為水衡丞或曰此兩王生

事而先生併用之豈誤他日歸朝同此拜次公曰陳叔達太宗時拜

禮部尚書帝曰武德時內難潛構知公有謫言今之此拜有以相答

過密州次韻趙明叔喬禹功

先生依舊廣文貧

次公曰指言趙明叔也先生曩在密州明所謂趙教授者也鄭度為廣文

館博士當時號之曰鄭廣文

老守時遭醉尉嗔

任曰李廣屏居藍田南山中射獵常夜從

一騎出從人田間飲還至亭霸陵尉醉呵止廣廣騎曰故李將軍尉曰今將軍尚不得夜行何故也宿廣亭下次公曰指言喬禹功也禹功必以別處太汝輩何曾堪守替罷或致仕而歸故以故將軍北之

一笑

續曰杜詩何當官曹清爾輩堪一笑

吾儕相對復三人黃雞唱曉淒淒

涼曲

厚曰白樂天醉歌示妓人商玲瓏黃雞催曉丑時鳴白日催年酉前沒

白髮驚秋見

在身

援曰白樂天初見白髮感秋詩云白髮快朱顏次公曰見在月字牛僧孺詩且聞樽前見在身一

別膠西舊朋友

次公曰膠西即密州也

扁舟歸釣五湖春

再過常山和昔年留別詩

偃僂山前叟

次公曰左傳正考父一命而僂再命而偃

迎我如迎新那知夢

幻軀念念非昔人江湖久放浪朝市誰相親却尋泉源

去桃花逢避秦

任曰陶潛桃源記晉武陵人捕魚忽逢桃花林林盡水源其中有人言先世避

秦來此詳見風水洞詩注

風水洞二首和李節推

高曰按杭州圖經云洞去錢塘縣舊治五十里在楊

村慈崑院洞極大流水不竭洞頂又有一洞清風微出故名曰風水洞白樂天長慶三年秋九

月來游觀泉石竹木留詩

風轉鳴空穴泉幽寫石門虛心間地籟

續曰莊子南郭子綦謂顏成子

游曰汝閭人籟而未聞地籟地籟則衆竅是也

妄意覓桃源

厚曰陶潛桃源記晉大元中武陵人

捕魚為業緣溪而行忘路之遠近忽逢桃花林林盡水源便得一山山有山口髣髴若有光便捨舟而從口入

行數十步豁然開朗土地平曠其中往來種作男女衣著悉如外人自云先世避秦來此停數日辭去既出得其船便指同路處處誌之及郡下詣太守說之即遣人隨其往遂迷不復得路十朋曰桃源事第八卷留題仙遊潭云秦人過客詩難好居僧語不繁歸瓶得冰雪清

今在武陵溪

續曰司馬相如為孝文園令有消渴疾

冷慰文園

山前乳水隔塵凡山上仙風舞檜杉細細龍鱗生亂石

任曰郭景純遊仙詩閭闔西南來潛波渙鱗起團團羊
注云充為閭闔風水波渙然如魚鱗之起也

角轉空巖

續曰羊角風也莊子搏扶搖羊角而上者九萬里次公曰淮南子言扶搖珍抱羊角而上

許慎註云扶攀也搖動也抱了戾也扶搖如羊角轉如曲紫行而上也珍讀如珍馮夷密宅非

梁棟

厚曰馮夷引農華陰人也服八石得水仙帝錫為河伯宋援曰離騷紫貝闕兮魚鱗宮此馮夷密宇

也御冠軍輿謝轡銜

續曰列子御風而行冷然善也次公曰楚辭昔往日篇無轡銜而自

載世事漸艱吾欲去永隨二子脫譏讒

厚曰列子師老商氏并伯高子

盡二子之道乘風而歸次公曰蓋言世態可厭欲從馮夷之水居禦寇之風馭為可以脫譏讒先生詩案一項熙寧七年八月望遊風水洞文云世事漸艱吾欲出意謂行新法之後世事日益艱難小人爭進各務讒毀試

度思之不可以合又不可以容故欲棄官卜隱
居之地也詩集作吾欲出詩案作欲去從詩案

奉敕祭西太一和韓川韻四首

子輦曰東軒筆錄云太一宮舊在京

城西蘇村謂之西太一熙寧初詔作宮於京城之東西隅謂之中太一

聖主新除祕祝

續漢文帝十三年詔曰蓋聞禍自怨起而福由德興今祕祝之官移過於下以

彰吾之不德朕甚不取其除之

侍臣來乞豐年壽宮神君欲至半夜靈

風肅然

厚漢郊祀志武帝置壽宮神君神君最貴者太一其佐曰大禁司命之屬皆從之非可得見聞

其言言與人音等時去時來則風肅然也邦衡三輔黃圖曰壽宮北宮有神仙居壽宮張羽旗設供具以禮

神明若神君來則肅然風生悵悵皆動

玉璽親題御筆金童來侍天香

次公道家有言散花玉女侍者金童魯直唐李

正封詩天禮罷祝融參乘

續祝融西方炎帝之佐司馬相如大人賦祝融驚而蹕御

香夜襲衣 今清氣氣而後行次公左傳有朝必參乘選有使陽子參乘

前驅已過衡湘

解劍獨行殘月

次公祭必去服則有劍之儀矣

披衣困卧清風夢蝶猶

飛旅枕

續莊周夢為胡蝶栩栩然胡蝶也

不知周也覺則蘧蘧然周也 粥魚已響枯桐

陂水初含曉渌稻花半作秋香皂蓋却迎朝日

次公皂蓋乃太

守之製杜詩朱藩駐皂蓋又云皂蓋能忘折野梅今在侍臣言之未詳

紅雲正遶宮牆

子仁

退之詩欲知花島處水上覓紅雲

次韻子由五月一日同轉對

跪奉新書笏在腰談王正欲伴漁樵

厚揚雄長楊賦子有不談王道者則

樵夫笑之

晉陽豈為一門事

唐高祖謂溫大雅兄弟云我起義晉陽止為卿一門耳

宣

政卿同五日朝

貞元中詔曰自今後五月一日御宣政殿與文武百僚相見

憂患半

生聯出處歸休上策早招要後生可畏吾衰矣力筆從

來錯料堯

程前漢方與公謂周昌曰君之史趙堯年雖少然奇士居必異之是且代君之位昌笑曰

堯年少力筆吏耳何至是乎居頃之昌為趙相既行久之高祖持御史大夫印弄之曰誰可為御史大夫者熟

視堯曰無以

易堯遂拜焉

次韻王晉卿上元侍宴端門

月上九門開星河遠露臺

師故事上元日端門築露臺高丈餘優人妓女皆列其上

君方枕中夢

任太平廣記有客於邯鄲逆旅遇吕仙翁與之枕客就枕遂夢入枕中仕宦數十年

我亦化人來

援周穆王執化人之祛騰而上者中天乃止暨及化人之宮王實以為清都紫微鈞

天廣樂帝之所居

光動仙毬毬香餘步輦回

師上元端門放燈至夜闌綵山上繼

下仙毬妓天子乘步輦還內

相從穿萬馬哀病若為陪

次韻蔣穎叔錢穆父從駕景靈宮二首

歸來病鶴記城闔

續丁令威化鶴而歸作人言曰城郭如故人民非

舊踏松枝

雨露新半白不羞垂領髮

次公潘安仁秋賦素髮颯以垂領

軟紅猶戀

屬車塵

前輩戲語有西湖風月不如東華軟紅香土次公乘輿在前又有副車八十一乘隨之不敢指

斥故言屬車而已

雨收九陌豐登後

安國三輔舊事云長安城中八街九陌

日麗

三元下降辰粗識君王為民意不才何以助精禋

次公爾雅

精意以享曰禋十朋按年譜元祐七年壬申是歲南郊先生為鹵簿使

與君並直記初元白首還同入禁門玉殿齊班容小語

霜廷稽首泣微溫

通與穆父並拜廷中地皆濕相與小語道之次公梅聖俞詩云廡深容小

語槐密漏微陽

病貪賜茗浮銅葉

次公銅葉言茶盞也

老怯香泉艷寶樽

回首鵷行有人傑坐知羌虜是遊魂

次公魏文帝善哉行假氣遊魂魚鳥

為伍又杜甫詩
遊魂賁爾曹

次韻蔣穎叔二首

扈從景靈宮

道人幽夢曉初還已覺笙簫下月壇風伯前驅清宿霧

祝融驂乘破朝寒

次公屈原遠遊賦風伯為余前驅兮辟氣氣而清涼又曰祝融戒以蹕御

祝融火神故云破朝寒也

英姿連壁從多士

續晉書夏侯湛與潘岳交善每行止同輿接茵

人謂之連壁

妙句鏘金和八鸞

厚退之荆潭唱和詩序鏘鏘發金石幽眇感鬼神詩云八

驚錡已向詞臣得頗牧李時穎叔新除良熙河帥次公廉頗

翰林學士大中末党項擾河西懿宗召對邊事誠奏破唐畢誠為

使路人莫作老儒看

凝祥池

似知金馬客

無已馬援傳曰武帝時善相馬東門京鑄作銅馬法獻之有詔立馬於魯班門外更

石魯班門

時夢碧雞坊

次公漢有金馬門待詔者在馬故學士謂之金馬客碧雞坊在

成都杜甫云

冰雪銷殘臘烟波寫故鄉

次公史記秦皇每破諸侯之國

命工人寫其

鳴鑾自容與立馬久回翔

次公容與曰翔皆徘徊之意

宮室於宮中

乞與三韓使

厚三韓高麗國別名有辰韓弁韓馬韓也

新圖到樂浪

時高麗使在都

下每至勝境輒圖畫以歸厚前漢武帝元封二年夏朝鮮斬其王右渠降以其地為樂浪等郡呂曰圖畫見聞志高麗國熙寧甲寅歲遣使金良鑒入貢訪中國圖畫銳意購求稍精者十無一二然猶費三萬餘緡丙辰冬復遣使崔思訓入貢因將帶畫工數人乞摹寫相國寺壁畫歸國詔許之於是盡摹之持歸其畫人頗有精於筆法者

次韻張昌言給事省宿

馮顥久已歌殘雪

續馮顥言馮唐也唐白首為郎故爾

戎眼何曾眩落暉

厚晉王戎視日不眩裴楷見而目之曰戎眼爛爛如巖下電

朔野按行猶雀躍

次公莊子

鴻蒙方將拊
解爵躍而遊

東臺暝坐覺烏飛

道家有烏飛入兔宮之說次公東臺給事中書

唐龍朔二年給事中改為東臺舍人

謾誇年少容吾在

樂天詩云猶有誇張少年處笑呼張

大喚

若闔樽前舉世稀

厚劉禹錫詩休論世外升沉事且闔樽前見在身

待向

崧陽求水竹

堯卿昌言崧陽人也

一犁烟雨伴公歸

和三舍人省上

二月二十九日作明日駕幸景靈宮

紛紛榮瘁何能久雲雨從來翻覆手

蘇軾詩翻手作雲覆手雨紛紛輕薄

何須

恍如一夢墮枕中却見三賢起江右

曾子開劉貢父孔經父皆

江西人

嗟君妙質皆瑚璉顧我虛名但箕斗

次公詩云維南有其不可

以簸揚惟北有斗不可以挹酒漿又古詩南箕
北有斗牽牛不負輓良無磐石固虛名復何益
明朝冠

蓋蔚相望共扈翠輦朝宣光

次公長安志唐之宮室名有宣光殿

武皇已

老白雲鄉

續莊子華封人祝堯曰千歲厭世去而上仙乘彼白雲至於帝鄉次公趙飛燕外傳成帝

悅趙婕妤好謂為溫柔鄉謂樊姬曰吾老是鄉矣不能效武皇帝求白雲鄉也

正與羣帝驂龍

翔

次公杜詩矯如羣帝驂龍翔

獨留杞梓扶明堂

次韻劉貢父省上

密雲今日破郊西

縮易密雲不雨自我西郊

疎雨脩脩未作泥

邵老唐韓

屋詩輕寒著背雨淒淒九陌無塵未有泥

要及清閒同笑語行看衰病費扶

攜花前白酒傾雲液

次公梁劉孝標啓云松子玉璫衛卿雲液

戶外青驄饗

月題

次公莊子齊之以月題疏月題額上當顯形似月者也

不用臨風苦揮淚君

家自與竹林齊

貢父詩中有不及與其兄原父同時之歎然其兄子仲馮今為起居舍人仔晉

書阮籍與山濤王戎輩為竹林之遊而籍兄子咸與焉

再和

當年曹守我膠西

次公曹守言劉貢父也膠西則先主自言其為密州也

共厭餽

糟與汨泥

鮪楚詞漁父謂屈原曰世人皆濁何不汨其泥而揚其波衆人皆醉何不餽其糟而飲其

醕自古赤丸成習俗

厚西漢朱博傳永始間長安閭里少年羣輩殺吏相與探丸得赤丸

者斫武吏得黑
九者斫文吏

因公黃犢免提攜

援糞遂令民賣劍買牛賣刀買犢曰何為

帶牛而佩犢

生還各有青山興病起猶能小字題莫怪歌呼

數相和

續曹參聞相舍後園吏醉歌相呼取酒張坐大歌呼與相和

曾將獄市寄全齊

貢父為曹州盜賊皆奔鄰境蓋嘗有詩云從教晉盜稍奔秦厚曹參為齊相蕭何將薨使者召參參亦屬其後相曰以齊獄市為寄慎勿擾也

平山堂次王居卿祠部韻

高會日陪山簡醉

續山簡鎮襄陽于時四方寇亂簡優游卒歲唯酒是耽飲于習氏之池輒

醉名曰高陽池

狂言屢發次公醒

續益寬饒字次公曰母多酌我我乃酒狂魏其笑曰次公

醒而狂何酒如人面天然白山向吾曹分外青江上飛
必酒也

雲來北固檻前修竹憶南屏六朝興廢餘丘壠楊金陵六朝記

云吳孫氏四主五十六年東晉司馬氏十一帝一百四
年宋劉氏八主六十年齊蕭氏七主二十四年梁蕭氏

四主五十六年陳陳氏五主三十四年空使姦雄笑寧馨次公姦雄言桓溫也孔子家語

言少正卯曰此乃人之奸雄者溫過淮泗踐北境與僚
屬登平山乘樓眺矚中原慨然曰遂使神州陸沉百年
丘墟王夷甫諸人不得不任其責寧馨兒王夷甫也王
衍字夷甫總角嘗造山濤濤嘆嘆良久既去目而送之
曰何物老嫗生此寧馨兒然誤天下蒼生者未必非此
人也竟卿宋廢帝子業性凶悖其母疾篤召之帝曰病
人間多鬼那可往其母怒謂侍者將刀來破我腹那得生寧馨兒

和鮮于子駿鄆州新堂月夜二首

前次韻
後不次

去歲遊新堂春風雪銷後池中半篙水池上千尺柳佳

人如桃李胡蝶入衫袖山川今何許疆界已分宿

次公此言

鄆州與徐州

歲月不可思駛若船放溜繁華真一夢寂寞兩

榮朽惟有當時月依然照杯酒應憐船上人坐穩不知

漏

次公杜詩坐穩興悠哉

明月入華池反照池上堂堂上隱几人心與水月涼風

螢已無迹露草時有光起觀河漢流步屨響長廊

次公袁桀

為丹陽尹當步屣白楊郊杜詩步屣尋春風又蘇州圖經有響屣廊名都信繁會千指調

絲簧先生病不飲童子為燒香獨作五字詩清絕如韋

郎厚樂天傳韋蘇州五言詩高雅閒澹自成一家之體詩成月漸側皎皎兩相望

合浦愈上人以詩名嶺外將訪道南嶽留詩壁上

云閒伴孤雲自在飛東坡居士過其精舍戲和其

韻

孤雲出岫豈求伴

續陶淵明歸去來雲無心而出岫

錫杖凌空自要飛

次公孫綽天台賦應真飛錫以躡虛傳燈錄鄧隱峯擲錫空中飛身而過為問庭松尚西指

不知老癡幾時歸

次公廣異記玄奘將往西域於靈巖寺見松一樹以手摩其枝曰吾西去

求佛教汝可西長吾歸即東向及去枝西指約長數丈一年或東向弟子迎之果還

次周燾韻

并叙

周燾遊天竺觀激水作詩云拳石蒼婆色兩青竹龍
驅水轉山鳴夜深不見跳珠碎疑是簷間滴雨聲東
坡和之云

道眼轉丹青常於寂處鳴早知雨是水不作兩般聲

病中大雪數日未嘗起觀號令趙薦以詩相屬戲

用其韻答之

經旬卧齋閣終日親劑和不知雪已深但覺寒無那飄

蕭紙牕明

次公杜詩飄蕭覺素髮

堆壓簷板墮

關中皆以板為簷

風颭助

凝冽幃幔困軒簾惟思近醇醲

次公醇醲言酒也魏都賦著馴風之醇醲注云

以酒喻政未敢窺璨璫

次公璨璫以玉比雪之明也

何時反炎赫

次公退之謝鄭

韋贈策詩云却願天日常炎赫又先生斲策詩云皇天何時反炎赫

却欲躬白麈

次公後漢馮衍

妻妬悍不畜媵妾兒女自操并曰以言勞則體中生熱也

誰言坐無繯

續杜甫贈鄭虔云才名三

十言坐客寒無遺

尚有裘充貨

厚西京雜記司馬相如初與文君遷成都居貧愁憊以所著鷄

鷄裘就市人楊昌
貫酒與文君為歡
西鄰歌吹發促席寒威挫崩騰踏成

逕繚繞飛入座人歡瓦先融

次公退之云
座煖銷那怪

飲雋餅屢卧

次公左傳士文伯謂投壺之中曰中雋言具
中為雋異堯卿歐陽詩不覺長餅卧墻曲

嗟予獨愁

寂空室自困圻欲為後日賞恐被遊塵浣

堯卿韓詩勿
使塵泥浣

寒更報新霽皎日懸半破

次公退之云
新月憐半破

有客獨苦吟清

夜默自課詩人例窮蹇秀句出寒餓

任杜詩云詩家
秀句傳寒餓

何

當暴霜雪庶以躡郊賀

續孟郊
李賀也

追和子由去歲試舉人洛下所寄暴雨初晴樓上

晚景詩五首

秋後風光雨後山滿城流水碧潺潺烟雲好處無多子

厚傳燈錄大愚禪師曰佛法無多子及取昏鴉未到間次公老杜對雪詩云無人謁浮蟻有

待至昏鴉詩尾句註云何遜詩曰城陰度塹黑昏鴉接翅歸

洛邑從來天地中

續周公營洛邑以時朝諸侯取天地之中四方職貢道里均焉厚周禮地

官以土圭之法正日景以求地中又曰凡有五寸謂之地中天地之所合也

嵩高蒼翠北邙

紅商老二十四化記北邙山在東都西在濯龍池北

風流耆舊消磨盡只有青

山對病翁

謂富翁也

白汗翻漿午景前

次公戰國策汗明之言馬淮南子之言人皆曰白汗交流翻漿之義則世

說所謂兢兢皇皇汗出如漿也子仁杜詩南方六七月出入異中原老少多渴死汗踰水漿翻雨餘風

物便蕭然應傾半熟鵝黃酒續杜詩鵝兒黃似酒照見新晴水碧

天

疾雷破屋雨翻河

厚莊子疾雷破山風振海而不能驚一掃清風未覺多

應似畫師吳道子

次公吳道子畫入神品杜詩云畫手看前輩吳生遠擅場又王維詩風世

謬詩客前生應畫師黃中唐明皇雜錄云畫師吳道玄者本陽翟人神清氣俊善圖佛像尤長於模寫鬼神下

筆神速勢若飛動

高堂巨壁寫降魔

客路三年不見山

次公先生詩有戲子由云宛丘先生長如丘時熙寧六年子由爲陳州學

官時也此後爲齊州掌書記繼簽書南京則不見山者蓋此時乎

上樓相對夢魂間

朝却踏紅塵去羞向清伊照病顏

和柳子玉喜雪次韻仍呈述古

詩翁愛酒長如渴餅盡欲沽囊已竭燈青火冷不成眠

一夜捫鬚吟喜雪

子仁賈島詩吟安一箇字捫斷數莖鬚

詩成就我覓懽

處我窮正與君髣髴曷不走投陳孟公有酒醉君仍飽

德

約詩醉酒飽德人有士君子之行

瓊瑤欲盡天應惜更遣清光續殘

月安得佳人擢素手

厚古詩纖纖擢素手札札弄機杼

笑捧玉盃兩奇

絕

子仁會合聯句云若監纖纖捧

艷歌一曲回陽春

續白樂天詩艷歌一曲酒一杯子仁

文選云客有歌陽春白雪之曲

坐使高堂生暖熱

至濟南李公擇以詩相迎次其韻二首

弊裘羸馬古河濱野濶天低糝玉塵

次公何遜詠雪詩若逐微風起誰言

非玉塵虎卿秦韜玉春雪詩云雪重寒空思寂寥玉塵如糝滿春朝

自笑餐糝典屬國

續燕

武使匈奴單于欲降之置武大窖中絕不飲食天雨雪武卧齧雪與氊毛并咽之得不死後歸漢為典屬國

來看換酒謫仙人

厚李白憶賀監詩序曰太子賓客賀公於長安紫極宮一見呼為謫仙人

因解金龜
換酒為樂宦遊到處身如寄農事何時手自親剩作新

詩與君和莫因風雨廢鳴晨續詩風雨如
晦雞鳴不已

夜擁笙歌雪水濱續雪水在湖
州烏程縣回頭樂事總成塵今年

送汝作太守到處逢君是主人聚散思量都是夢身名

漸覺老非親相從繼燭何須問續陳公子完奔齊齊侯
使為工正飲酒樂公曰

以火繼之辭曰臣
卜其晝未卜其夜蝙蝠飛時日正晨厚韓退之山石詩
山石犖确行徑微

黃昏到時
蝙蝠飛

和田國博喜雪

疇昔月如晝曉來雲暗天玉花飛半夜翠浪舞明年

次公

玉花言雪翠浪言麥也

螟螣無遺種流亡稍占田歲豐君不樂鐘

磬幾時編

有服不樂次公樂有編鐘編磬見周禮

次韻舒堯文祈雪霧豬泉

長笑蛇醫一寸腹

次公蛇醫蜥蜴之別名世人多以蜥蜴祈雨

銜水吐電何

時足

叔度夷堅乙志劉居中應嵩山巔有大蜥蜴數百皆長三四尺人以食就手飼之拊摩其體滑膩如

脂一日聚繞水盞邊各就取水繞入口即吐出已圓結似彈丸積之于側俄頃累累滿地忽震雷一聲起彈丸皆失去明日人來言昨午雨電大作乃知蜥蜴所為者此也蒼鵝無罪亦可憐斬頸

橫盤不敢哭

厚祈雨法刑白鵝仲達先生志林云鵝能警盜亦能却蛇且又有祈雨厄悲夫

豈

知泉下有猪龍卧枕雷車踏陰軸

希仲酉陽雜俎云柳公權元和末止建州

山寺中夜半覺門外喧闐因潛於牕中觀之見數人運斤造雷車如畫圓者久之一嘆氣忽天暗其人兩目遂

昏前年太守為旱請雨點隨人如撒菽

傳飲之魯禱此泉得雨

太

守歸國龍歸泉至今人詠淇園綠

續衛淇澳美武公之德

我今天

復罹此旱凜凜疲民在溝瀆却尋舊迹叩神泉坐客乃

攜王子淵

欽之時客惟舒在矣

看草中和樂職頌

續王褒字子淵宣帝時益州刺史

史王褒欲宣風化於衆庶聞褒有俊材使作中和樂職宣布之詩

新聲妙語慰華顛

援

鬯賦云華顛丈人

曉來泉上東風急鬚上冰珠老蛟泣

師晉張華博物

志蛟人從水中出寓人家積日賣綃將去從主人索器泣而成珠滿盤以與主人

恠詞欲逼龍

飛起嶮韻不量吾所及行看積雪厚埋牛誰與春工掀

百蟄此時還復借君詩餘力汰輶仍貫笠

厚左氏越椒攻楚王射王

汰輶及鼓附著於丁寧又射汰輶以貫笠轂

揮毫落紙勿言疲

次公杜詩揮毫落紙如雲

烟驚龍再起震失匙

續三國志曹操謂先主曰今天下英雄唯使君與操耳本初之徒不

足數也先主方食失匙筋于時正當雷震因謂操曰一震之威乃至于此

答郡中同僚賀雨

水旱行十年饑疫遍九土奇窮所向惡歲歲祈晴雨雖

非為已求重請終愧古

續穀梁子曰雩之必待其時窮人盡力何也雩者為早求者也

求者請也古人重請何重乎請人之所以為人者讓也請道去讓也鬼神亦知我老病入

腰膂何曾拜向人此意難不許重雲淒已合微潤先流

礎

援淮南子云山雲蒸柱礎潤

蕭蕭止還作坐聽及三鼓天明將吏

集泥土滿靴屨登城望楚麥綠浪風掀舞愧我賢友生

雄篇關新語君看大熟歲風雨占十五

援古者五日一風十日一雨

天地本無功祈禳何足數渡河不入境未若無蝗虎

厚後

漢宋均為九江太守郡多暴虎嘗募設檻牢而猶多傷
害均到下諸屬縣曰夫虎豹在山龜鼉在水各有所托
今為民害咎在殘吏其務退奸貪思進忠善可一去檻
牢其後傳言虎相與東游渡江又山陽楚沛多蝗飛至
九江界輒而况刑白鵠下策君勿取援世人刑白鵠以
東西散去祈雨詳見上首註

正月十八日蔡州道上遇雪次子由韻二首

蘭菊有生意

林陳後主問煬帝麗華與蕭妃何如
帝曰春蘭秋菊亦各一時之秀也

微陽

回寸根方憂集暮雪復喜迎朝暾憶我故居室浮光動

南軒

彥才按志林先生元祐二年八月十一日將朝尚
早假寐夢歸紗幘坐於南軒既覺惘然思久之南

軒先君名曰
來風者也

松竹半傾瀉未數葵與萱三徑瑤草合

公次

蔣詡三徑又陶淵明三徑就荒又江淹
詩瑤草正翕純又老杜相期拾瑤草
一餅井花溫至

今行吟處尚餘履舄痕一朝出從仕永愧李仲元

續楊子云

李仲元不屈其志不累其身不夷不惠可否之間也
晚歲益可羞犯雪方南奔山

城買廢圃摘葉手自掀長使齊安人

師黃州齊安郡也

指說故

侯園

厚前漢書邵平者故秦東陵侯秦破為布衣種瓜長安城東瓜美故世謂東陵瓜

鉛膏染髭鬚

次公南史何長瑜作韻語云陸展染白髮欲以媚側室而劉禹錫詩好染髭鬚事後

生旋露霜雪根不如閉目坐丹府夜自瞰誰知憂患中

方寸寓羲軒大雪從壓屋我非兒女萱

厚孟郊詩萱草兒女花不解壯

士憂平生學踵息

續莊子真人之息以踵

坐覺兩轡溫下馬作雪詩

滿地鞭箠痕佇立望原野悲歌為黎元道逢射獵子遙

指狐兔奔蹤跡尚可尋窟穴何足掀寄謝李丞相

次公李丞相

相指李斯用其言牽黃犬出上蔡東門也

吾將反丘園

次韻孔毅父久旱已而甚雨三首

饑人忽夢飯甌溢夢中一飽百憂失

次公夢飽事出佛書黃魯直亦云饑

人常夢飽病入常夢醫

久知夢飽本來空未悟真饑定何物我生

無田食破硯

次公此乃唐人云以硯為良田古耕而筆來之意也

爾來硯枯磨不

出去年太歲空在酉

厚計然言歲在金穰水毀木飢火旱太歲在酉金穰之時也

傍

舍壺漿不容乞

緇朝野僉載云歲在申酉乞漿得酒言年豐也

今年旱勢復如

此歲晚何以黔吾突

援班固云孔席不暇暖墨突不得黔

青天蕩蕩呼不

聞况欲稽首號泥佛鑿中蜥蜴猶可笑

信民酉陽雜俎云王彥威在汴

州二年夏旱時李玘過汴因宴王以旱為言李醉曰欲雨甚易爾可求蛇醫四頭石磬二枚每磬實以水浮二

蛇醫以木蓋密泥之處置於閣處壺前後設席燒香選小兒十歲以下十餘令執小青竹晝夜更擊其壺不得

小輟王如言試之一日兩夜雨大注舊說龍與蛇醫為親家焉次公又見蜥蜴詩下跂跂脉脉何

等秩

任東方朔傳武帝置守宮孟下東方朔別著布數射之曰以為龍又無角以為蛇又有足跂跂脉脉

善緣壁是非守宮即蜥蜴陰陽有時雨有數民是天民天自卹我雖

窮苦不如人要亦自是民之一形容可似喪家狗

續家語孔

子適鄭與弟子相失孔子獨立東門鄭人或謂子貢曰東門有人其顙顙竟其項顙舉陶其肩顙子產然自腰以下不及禹三寸未肯弭耳爭投骨援史記應侯謂秦王曰大王之狗卧

者卧起者起行者行止者止毋相與鬬者投之一骨輕起相牙者何則有爭意也

倒冠落幘謝

朋友

次公此則杜牧冠落佩之變也

獨與蚊雷共圭簞

次公中山靖王言衆漚漂

山聚蚊成雷又左傳傳葦門圭竇之人故人嗔我不開門

次公退之云剝剝咏咏有客至門我

不出應客

君視我門誰肯屈可憐明月如潑水夜半清

去而嗔

光翻我室風從南來非雨侯

師天官書風從南方來大旱

且為疲人

洗蒸鬱褰裳一和快哉謠

厚文選楚襄王遊於蘭臺之宮宋玉景差侍有風颯然而

至王乃披襟而當之曰快哉此風寡人所與庶人共者耶未暇飢寒念明日

去年東坡拾瓦礫自種黃桑三百尺今年刈草蓋雪堂

子仁按先生擬斜川云元豐壬戌之春予躬耕於東坡築雪堂居之南挹四望亭之後五西控北山之微泉又

雪堂間云蘇子得廢園於東坡之脅作堂焉號其正曰雪堂堂以大雪中為之因繪雪以四壁之間無空隙其

名蓋起於此嘗見先生有帖云已作得雪堂記而其本不傳未詳其故雪堂記全文載志林中日炙風

吹面如墨

師杜甫詩骨折面如墨

平生懶惰今始悔老大勤農天

所真沛然例賜三尺雨造化無心悅難測四方上下同

一雪甘霖不為龍所隔俗有分龍日蓬蒿下濕迎曉來燈火

新涼催夜織次公退之詩新涼入老夫作罷得甘寢次公

莊子孫叔敖甘寢秉羽而郢人投兵卧聽牆東人響屐奔流未已坑谷平

折葦枯荷恣漂溺腐儒竈糲夫百年次公杜詩百年力

耕不受衆目憐續杜詩不聞八尺破陂漏水不耐旱人

力未至求天全會當作塘徑千步橫斷西北遮山泉四

隣相率助舉杆人人知我囊無錢厚東漢趙壹詩云文籍雖滿腹不如一囊

錢

明年共看決渠雨

任白公穿渠人歌曰舉鍾為雲決渠為雨

飢飽在我寧

關天誰能伴我田間飲醉倒惟有支頭輓

天公號令不再出十日愁霖併為一君家有田水冒田

我家無田憂無室不如西州楊道士萬里隨身惟兩膝

汧流不惡汧亦佳一葉扁舟任漂突山芎麥麴都不用

任山芎麥麴皆以禦濕也周左傳有麥麴乎有山鞠藭乎詳見和王鞏詩注

泥行露宿終無

疾夜來飢腸如轉雷旅愁非酒不可開楊生自言識音

律洞簫入手清且哀不須更待秋井塌見人白骨方銜

杯續杜詩忽憶雨時秋并塌古人
白骨生青苔如何不飲令人哀

次韻王覲正言喜雪

聖人與天通

次公列仙傳曰陶安公六安治師也數行

治上曰安公安公治與天通七月七日

有詔寬獄市

續

迎汝以赤龍龍至安公馭之東南而上

好語夜喧街濕

雲朝覆砌紛然退朝後色映宮槐媚欲誇翦刻工

厚退

花詩誰將平地萬堆

故人朱藍袂

續宋朝太宗皇帝言

雪翦刻作此連天花
今之任職者或以朱藍而加金帶之飾亦士林之榮師
宋大明中元日雪花降殿庭右將軍謝莊下殿雪集衣

白上以為嘉端我方執筆侍

次公左史記言右史記動今未敢

書上瑞君猶伏閣爭高論亦少慰

續唐長安二年三月大雨雪蘇味道等以

為瑞率羣臣入賀王求禮讓曰宰相燮和陰陽而季春雨雪乃災也果以為瑞則冬月雷遽為瑞雷邪味道不

從賀者既入求禮言今主荒臣佞寒暑失序霏霏止還

作盎盎風與氣神龍久潛伏一怒勢必倍行當見三白

次公西北人之謗曰要直夢見三白

拜舞懽萬歲

次公杜詩益賜將軍拜舞歸

歸來飲

君家酣詠追既醉

次韻朱光庭喜雨

久苦趙盾日

續左傳言趙衰冬日之日也趙盾夏日之日也欣逢傳

說霖

厚書說命高宗謂說曰若歲大旱用汝作霖雨

坐知千里足初覺兩河深

次公兩河蓋汴河蔡河也

破屋常持傘無薪欲爨琴清詩似庭燎雖

美未忘箴

續詩庭燎美宣王也因以箴之

和張昌言喜雨

二聖憂勤忘寢食

次公二聖蓋當日哲宗與太后也

百神奔走會風雲

禁林夜直鳴江瀨清洛潮回起穀紋夢覺酒醒聞好句

帳空簾冷發餘薰秋來定有豐年喜刺作新詩準備君

次韻張昌言喜雨

千里黃流失故居

次公言水所衝蕩而民居不見也

年來赤地到青徐

遙聞爭誦十行詔

續後漢光武以手詔賜方國一札十行

無異親巡六尺

輿

厚前漢袁盎云天子所與共六尺輿者皆天下豪英

精貫天人一言足雲興嶽

瀆萬靈趨愛君誰似元和老賀雨詩成即諫書

援白居易元和

中作賀雨詩其畧云君以明為聖臣以直為忠敢賀有其始亦願有其終居易嘗與元鎮書云凡聞僕賀雨詩

衆口籍籍

以為非宜

次韻毛滂法曹感雨

江南佳公子

類史記平原君翩翩濁世之佳公子也

遺我錦繡端攬之溫

如春公子焉得寒興雨自有時膚寸便濛濛

援詩興雨祈祈又公

羊云觸石而出膚寸而合不崇朝而徧雨乎天下者惟太山之雲耳飲藏以自潤牛斗何

足干

次公牛斗何足于借鄴城之劍氣在牛斗之間如氣于雲霓之義

空庭月與影彊

結三友歡我豈不足歟要此清團團所歡在一醉常恐

搏中乾

子仁陶淵明詩搏中酒不乾

捨酒尚可樂明珠如彈丸

次公南史

王筠字元禮謝朓常見語曰好詩圓美沅轉如彈丸也

但恐千仞雀忽忽發虛彈

援莊子以隋侯之珠彈千仞之雀

迨子間暇時種子田中丹一朝涉世

故空腹容欺謾

次公神仙伊用昌夫婦誅鼓詞云釘着不知侵骨髓打來只是沒心肝空腹被

人謾我頃在東坡秋菊為夕餐

援楚詞朝飲木蘭之墜露兮夕餐秋菊之落英永

愧坡間人布褐為我完雪堂初覆瓦上簾無下莞

援斯干詩

下莞上簾乃安斯寢

時時亦設客每醉筒輒殫

堯卿公嘗以筒貯錢為設客之用

一笑便傾倒五年得輕安公子豈我徒衣鉢傳一簾

次公

唐摭言載門生及第與座主同名次者謂之傳衣鉢子仁禪家傳法謂之傳衣鉢此因上文有在東坡時語故

云公子亦吾徒可以傳我處貧而樂之法也

定非郊與島筆勢江河寬

次公郊則

孟郊島則賈島為詩寒窟先生素所不許如言孟郊曰安能兩耳聽此寒蟲號又曰氣壓郊與島是也

悲

吟古寺中穿帷雪漫漫他年記此味芋火對懶殘次公唐李

泌與明瓚禪師遊明瓚擇徒謂之懶殘者泌嘗於衡嶽寺讀書寮懶殘所為曰非凡人也於其中夜梵唱響徹山林泌頗知音能辨休戚謂懶殘經音先悽愴而後喜悅必謫墮之人時將去矣中夜潛往謁焉懶殘命坐發火取芋以啗之曰慎勿多言領取十年宰相泌拜而退懶殘性懶而食殘故以為號事見高僧傳

禱雨張龍公既應劉景文有詩次韻

張公晚為龍抑自龍中來伊昔風雲會

次公杜詩病柏行云掩處龍虎

姿生當風雲會吐嗟潭洞開精神苟可貫賓主真相陪洞簫振

羽舞

厚前漢王褒宣帝時嘗為甘泉及洞簫頌又周禮樂師篇凡舞有羽舞注云羽舞析羽也

白酒

浮雲雷言從關州妃

厚趙耕張龍公碑居諱路斯穎遠上百姓村人也夫人關州石氏

去焦氏臺

次公先生昭靈侯碑龍公唐時為宣城令自宣城罷歸常釣於焦氏臺陰傾倒餅

中雨

次公續玄惟錄李靖徵時當射獵山中會暮抵宿一朱門家夜半聞扣門甚急見一婦人謂靖曰此

非人世乃龍宮也今天符命行雨二子皆不在欲奉煩頃刻間如何遂命黃頭被青驄馬又命取雨器乃一小

餅戒曰取餅中水滴馬繫上即雨偏矣

一洗麥上埃破早不論功乘雲却

空回嗟龍與我輩用意豈遠哉使君今子義英風冠東

萊

續吳志太史慈字子義東萊人也最為有膽烈

笑說龍為友

子仁前漢天馬歌云今安匹龍

為幽明莫相猜

用前韻作雪詩留景文

萬松嶺上黃千葉

次公此應言蠟梅也先生後有蠟梅詩君不見萬松嶺上黃千葉玉藥檀

心兩奇絕是已或云杜甫四松詩云所挿小藩籬木亦有隄防終然振撥損得愧千葉黃今先生亦宜以言冬間之松乎應之曰成材之松葉宜有黃也因指言松嶺上之蠟梅而蠟梅之葉黃故也 載酒年年

踏松雪劉郎去後誰復來

續劉禹錫詩云玄都觀裏桃千樹盡是劉郎去後栽又云

種挑道士歸何處前度劉郎今又來

花下有人心斷絕東齋夜坐搜雪句

兩手龜拆霜鬚折

厚莊子不龜手之藥注云其藥能令手不龜拆也

無情豈亦

畏嘲弄

厚白樂天與元九書云梁陳間率不過嘲風雪弄花草而已

穿簾入戶吹燈

滅紛紛兒女爭所似

援晉書謝安嘗內集俄而雪下安曰大雪紛紛何所似也安兄子朗

曰撒鹽空中差可擬道輟曰未若柳絮因風起

碧海長鯨君未掣

續杜詩爭看翡翠蘭苔上

未掣鯨魚

朝來雲漢接天流

次公杜詩雲漢接天流

顧我小詩如

碧海

點顯歐陽陳趙在戶外急掃中庭鋪木屑

厚晉書陶侃造船竹頭木

屑悉令舉掌之咸不解所以後元會大雪始晴廳事前餘雪猶濕於是以前屑布地及担溫伐蜀又以竹頭裝

船

交遊雖似雪栢堅聚散行作風花瞥晴光融作一尺

泥歸有何事真無說泥乾路穩放君去莫倚馬蹄如踏

鐵

次公杜詩脫促蹄高如踏鐵交河焚蹴曾冰裂

和劉景文雪

占雨又得雪龜寧欺我哉似知吾輩喜故及醉中來童

子愁冰硯佳入苦膠杯

次公膠字去聲與白樂天一環膠牙錫之膠同膠杯雖出莊子

置杯焉則膠而此所謂膠杯乃是酒凍也

那堪李常侍入蔡夜衡枝

厚唐李愬以散

騎常侍擊蔡會大而雪愬夜至懸孤城遂克蔡州擒吳元濟

次韻陳履常雪中

可憐擾擾雪中入饑飽終同寓一廬

厚續仙傳韋子威師事丁的一日解

去謂子威曰郎君得道尚隔兩廬儒謂之世釋謂之劫道謂之塵也

老櫓作花真強項

次公

潁州多檜而花白指檜為言檜老矣而假雪以為花猶人之強項不伏其老也強項字如董宣不屈於公主帝

項目之強

凍齧儲肉巧謀身

次公杜詩兵戈獨在眼儒術豈謀身

忍寒吟詠

君堪笑得煖謹呼我未貧坐聽履聲知有路擁裘來看

玉梅春

迨作淮口遇風戲用其韻

我詩

如病驥

次公杜詩驥病思偏秣又云草黃驥驥病

悲鳴向衰草有兒真

驥子

續老杜子宗武小名驥子有詩云驥子好男兒又贈竇侍御詩云驥之子鳳之雛次公梁元帝啓云

價匹熊媒

驥子

一噴羣馬倒

次公穆天子傳曰天子東遊于黃澤宿于西洛歌曰黃之陀其

馬歟沙皇人威儀黃之澤其
馬歟玉皇人壽歟歟即噴字
養氣勿吟哦聲名忌太早

風濤借筆力

次公杜詩筆力破餘地

勢逐孤雲掃何如陶家兒遶

舍覓梨棗

厚陶潛責子詩通子垂九齡但覓梨與栗

君看押彊韻

師王子韶雞跖集王

筠字元禮為詩能押彊韻

已勝郊與島

援孟郊賈島也

次韻王郎子立風雨有感

百年一俯仰寒暑相主客稍增衰褐氣已覺團扇厄不

煩計榮辱此喪彼有獲我琴終不敗無攖亦無釋

厚史記齊

威王鼓琴鄒忌子曰善哉鼓琴王曰何以知其故也鄒忌子曰大絃濁以春溫者君也小絃廉折以清者相也

援之深譚之後生不自牧呻吟空挾策
援莊子挾策讀

吟於裘氏之地握苗不待長賣菜苦求益續後漢嚴光傳注侯

書求報光曰我手不能書乃口授之使此郎獨靜退門

外無行迹但恐陶淵明每為饑所迫淒風弄衣結師董

衣百結小雪穿門席師陳平家貧願君付一笑造物亦戲

劇朝來賦雲夢筆落風雨疾次公相如子虛賦烏有先

九宵中曾不芥蒂故謂之賦為君裁春衫高會開桂籍

雲夢又杜詩筆落驚風雨次韻王忠玉遊虎丘絕句三首
堯卿名瑜時為憲使

當年大白此相浮

續說苑魏文侯與大夫飲酒使公乘不仁為觴政曰飲不醵者浮以大白

倬吳都賦

老守娛賓得二丘

自注郡人有閭丘公太守王規甫嘗云不醵虎丘即

飛觴舉白

謁閭丘規父忠玉伯父也

白髮重來故人盡空餘叢挂小山幽

次公淮南

王安招隱士詞云桂樹叢生兮山之幽偃蹇連卷兮扶相摻又許慎淮南鴻烈解序云安與蘓飛李尚左吳田出雷被毛被伍被晉昌等八人及諸儒大山小山之徒共講論道德

青蓋紅旗映玉山新詩小草落玄泉

援孟東野詩手中飛黑電象外寫玄

泉

風流使者人爭看知是真娘立道邊

相虎丘中路有真娘墓次公白

樂天真娘墓詩題下註云在虎丘寺蓋在寺門之外今尚存饒李宗諤蘓州岡經云吳真娘墓在長洲縣西北

五里雲巖寺西南山下彥忠吳郡國經續記云真娘墓在虎丘寺側真娘吳國之佳麗也丈夫士遊此者多有篇詠有禪生題一絕譏詞人之重色由是稍稍息筆

舞衣歌扇轉頭空只有青山香靄中莫共吳王關百草

使君未敢借鶯鴻

續劉禹錫詩若共吳王關百草不知應是欠西施次公曹子建之言洛神

曰翩若驚鴻婉若游龍

次韻子由柳湖感物

憶昔子美在東屯

續曰東屯今夔州故城之東

數間茅屋蒼山根嘲

吟草木調蠻獠欲與猿鳥爭啾喧子今憔悴衆所棄驅

馬獨出無往還惟有柳湖萬株柳清陰與子供朝昏胡

為譏評

去聲

不少借生意凌挫難為繁柳雖無言不解慍

世俗乍見應憮然嬌姿共愛春濯濯

援曰晉書王恭風度濯濯如春月柳

豈問空腹修蛇蟠朝看濃翠傲炎赫夜愛疎影搖清圓

風翻雪陣春絮亂蠹響啄木秋聲堅四時盛衰各有態

搖落悽愴驚寒溫南山孤松積雪底抱凍不死誰復賢

軾在潁州與趙德麟同治西湖未成改揚州三月

十六日湖成德麟有詩見懷次韻

太山秋毫兩無窮

次公曰莊子內篇天下莫大於秋毫之末而太山為小又云是亦一無窮

非亦一無窮也

鉅細本出相形中大千起滅一塵裏

次公曰退之云下視

禹九州一塵集毫端

未覺杭顏誰雌雄

來詩云與抗爭雄

我在錢塘拓湖

淶大堤士女爭昌丰

援詩子之昌兮子之丰兮

六橋橫絕天漢上北

山始與南屏通

次公曰子由先生墓誌杭州西湖南北三十里環湖往來終日不達先生既去

封田封田如雲乃積之湖中為長堤一以通南北六橋則湖上所創之橋也甄曰按先生作堤疏疏流跨流為橋

者凡六並在

忽驚二十五萬丈老翁席卷蒼雲空

續曰先生

今蘓公堤上 奏修杭州西湖狀云自國初以來稍廢不治水涸草生漸成葑田熙寧中湖之葑合者蓋十二三爾至今遂塞

其半已打黃湖上葑田計二十
五萬餘丈度用二十餘萬工
竭來賴尾弄秋色一水

紫帶昭靈宮

續曰李華弔古戰場文曰何水
紫帶昭靈宮張龍公祠堂也

坐思吳越

不可到借君月斧修腫臙

厚曰酉陽雜俎唐太和鄭
仁本遊嵩山失道忽於叢棘

中見一人枕幙而睡呼之問其所自曰君知月七寶合
成平常有八萬二千戶修之于數也閑幙有斤斧數

事玉屑飯兩裹二十四橋亦何有

續曰杜牧揚州詩二十四橋
明月夜玉人何處學吹簫

換此十頃玻璃風

子仁曰永叔西湖詩都將二
十四橋月換得西湖十頃秋雷塘水

乾禾黍滿寶釵耕出條鸞龍

次公曰雷塘在揚州東北
十里煬帝所葬處煬帝平

昔游之多從官人故時耕出
寶釵馬驚龍則寶釵之飾也

明年詩客來弔古伴我霜

夜號秋蟲

德麟見約來揚寄
居亦有意求楊倅

次韻趙德麟西湖新成見懷絕句

續曰此類
州西湖

壺中春色

謂洞庭
春色也

飲中仙騎鶴東來獨惘然猶有趙陳

同李郭不妨同泛過湖船

厚曰後漢郭林宗游洛陽見
李膺大奇之遂相友善後歸

卿里諸儒送至河上車數千輛林
宗獨與膺同舟人望之以為神仙

再次韻趙德麟新開西湖

饒此亦類
州西湖

使君不用山麴窮饑民自逃泥水中

續曰左傳申叔展
語還無社曰有麥

麴乎曰無有山麴窮乎曰無河魚腹疾奈何社頊註麥
麴窮所以禦濕欲使無社逃泥中軍中不敢正言故作

隱語也 欲將百瀆起凶歲免使顧石愁揚雄援曰揚雄清淨寡欲家無

顧石之儲 西湖雖小亦西子次公曰先生在杭州有詩曰欲把西湖比西子淡粧

濃抹總相宜今言西湖雖小亦西子則指潁州西湖縈流作態清而丰千夫餘力

起三閘見先生未句旬注中焦陂下與長淮通十年憔悴塵土窟

清閨一洗啼痕空王孫本自有仙骨次公曰神仙傳神

骨又杜詩自是平生宿衛明光宮次公曰漢武帝太初四年秋起光明宮仔

君身有仙骨 三輔黃圖載三泰記云未央宮漸臺西有桂宮西市有

明光殿皆金玉珠璣為簾箔晝夜光明又云武帝求仙

起光明宮發燕趙美女一行作吏人不識厚曰文選嵇叔夜與山巨

源絕交書云游山澤觀魚鳥心
甚樂之一行作吏此事便廢

正似雲月初朦朧時臨

此水照冰雪莫遣白髮生秋風定須却致兩黃鵠

援曰前漢

翟方進為丞相請壞汝南鴻隙陂父老怨方進歌曰壞
陂誰翟子威飯我豆羹芋魁反乎陂陂當復誰言者兩

黃鵠新與上帝開濯龍

續後漢建武中汝南太守鄧晨欲
修復陂開許揚曉水脉召與之議

揚曰昔先帝用翟方進之言尋而自毀上天帝怒曰
何故敗我濯龍洲是後民失其利多致饑困明府今興

立廢業國富民安重
謠之言將證於此

湖成君歸侍帝側燈花已綴釵頭

蟲去歲從之以餘力作三閘通焦陂永浚西湖援曰退之燈

花詩囊裏排金粟釵頭綴玉
蟲更煩將喜事來報主人翁

和宋肇遊西池次韻

漢皇慈儉不開邊尚教千艘下瀕船

次公食貨志曰時粵欲與漢用船戰

遂乃修昆明池列館環之治樓船高十餘丈檣幟加其上西京雜記云昆明池中有戈船樓船各數百艘又漢

武帝紀有下瀕船將軍注瀕貪看矍矍飛關艦不知矍

矍舞鈞天

次公西都賦巨鼇矍矍注云作力貌西京雜記云昆明池刻石為鯨魚每至雷雨魚嘗鳴

吼矍矍皆動漢世祭之以祈雨往往有驗故山西望三千里往事回思二十

年自笑區區足官府不如公子散神仙

厚退之奉酬廬給事詩上界真

人足官府宜如散仙鞭

咎驚鳳終日相追陪

次韻林子中蒜山亭見寄

奇逸多聞老敬通

師馮衍字敬通東漢人博識多聞

何人慷慨解憐翁

十年簿領催衰白一笑江山發醉紅聞道賦詩臨北固

未應舉扇向西風

厚王湛每遇西風起舉扇自障曰元規塵汚人

叩頭莫喚無

家客歸掃岷峨一畝宮

再和并荅楊次公

毗盧海上妙高峯

師華嚴第一善知識德雲住妙高峯

二老遙知說此翁

聊復艤舟尋紫翠不妨持節散陳紅

援西漢汲黯以便宜持節發河內倉

粟以賑貧民次公漢書太倉之粟
陳陳拍因又云紅腐而不可食

高懷却有雲門興

何師

盾隱居若耶山雲門寺

好句真傳雪竇風

次公雪竇禪師其言禪之詩有集行於世堯卿

雪竇師諱重顯字隱之遂州李氏子生於興國五年四月八日後出家受供學經論業於鄉里晚參隨州智門祚和尚因扣不起一念之青谿然知歸遂徧遊叢林衆所推仰先居吳門之洞庭遷四明之雪竇由是雲門之道復振於江浙侍中賈公奏聞朝廷乞賜明覺之號至皇祐五年七月七日不遺囑亦不說偈北首而亡唱我三人無譜曲馮夷亦合舞幽宮

續司馬相如賦使靈媧鼓瑟而舞馮夷馮

夷河伯也

景貺履常屢有詩督叔弼季默唱和已許諾矣復

以此句挑之

孝祥蘭臺詩文發源云東坡在潁陳無已趙德麟輩適守官於彼而歐陽

叔弼與季然亦閒居於彼日相唱和而二歐頗不作詩故東坡挑之

君家文律冠西京
旋築詩壇按酒兵

續南史江諮議有言酒猶兵也兵可

千日不用不可一日不備酒可千日不飲不可一飲不醉次公杜牧訪趙嘏詩云今代風騷將誰登李杜壇故

後人承用詩壇字歐陽答梅聖俞詩云文會忝予盟詩壇推子將

袖手莫輕真將種

次公

將種指言兩歐陽也退之云不善為斲血指汗顏巧匠傍觀縮手袖間又晉書胡貴嬪嘗與帝博爭道傷帝指

帝怒曰真將種也

致師須得老門生

厚周禮夏官司馬上環人掌致師注云致師者致其

必戰之志古者守戰必以勇力之士先犯敵馬唐書選舉志舉人既及第綴行通名詣主司第則謂門生明

朝鄭伯降誰受

續左傳宣十二年楚子圍鄭鄭伯肉袒牽羊以逆曰孤不天不能事君使君懷

怒以及樊邑

昨夜條侯壁已驚

厚前漢吳王濞傳吳兵欲西梁城守不敢西糧

絕卒饑逃夜奔條侯壁驚東南條侯

使備西北果從西北不得入遂大敗

從此醉翁天下樂

還應一舉百觴傾

文忠公贈蘇梅詩云我亦願助勇賊旗噪其傍快哉天下樂一鵬宜百觴

謝郡人田賀二生獻花

城裏田員外城西賀秀才不愁家四壁自有錦千堆

續謝

庭皓以詞賦著名時號錦繡堆

珍重尤奇品艱難最後開芳心困落日

薄艷戰輕雷

昨日雷而

老守仍多病壯懷先已灰殷勤此粲

者

賀獻魏花三朵續詩今夕何夕見此繁者次公國語三女為繁

攀折為誰哉玉腕揜

紅袖金樽瀉白醅何當鑷霜鬢強抑滿頭迴

子仁杜牧詩菊花須

抑滿頭歸

玉堂栽花同正孺有詩次其韻

故山桃李半荒榛粗報君恩便乞身竹簟暑風招我老

玉堂花藥為誰春纖纖翠蔓詩催發皎皎霜葩髮鬪新

只有來禽青李帖

厚王羲之有問人求來禽青李帖

他年留與學書人

和王晉卿送梅花次韻

東坡先生未歸時自種來禽與青李

次公言在黃川時也

五年不

踏江頭路夢逐東風泛蘋芷江梅山杏為誰容獨笑依
依臨野水此間風物君未識花浪翻天雪相激明年我
復在江湖知君對花三歎息

卧病彌月聞垂雲花開順闌黎以詩見招次韻荅
之

道人心似水不礙照花妍燕坐春強半清陰月屢遷平
生無起滅一念有塵鮮嫋嫋風枝舉離離日萼薦病吟

終少味老醉不成顏何必邀頭出師世俗以太湖中有

散仙

次公韓退之云上界真人足官府宜如散仙鞭笞鸞鳳終日相追陪

和錢四寄其弟蘇堯卿錢總字穆父弟四亦稱穆

筆代書寄呂仲七弟詩云東方千騎擁朱輪衣錦歸逢故國春莫向西湖總風月鵲原知有望歸入呂仲次顏穆父兄兄寄詩云烏衣巷裏走雙輪正是冢山二月春明日湖平定歸去蓬萊還見謫仙人劉季孫和之云會稽山上月如輪鴻鴈相將江水春暮府英雄雖可數搏前誰是急難人周燾和之云東山蠟屐環車輪小輩青知塞外春園柳鳴禽喚幽夢惠連詩句更何人然公作兩絕而元本止載一絕今併舉之先生詩云老來日月似車輪此去知逢樊箇春昨夜

水花猶在挂曉
來梅子已生仁

再見濤頭湧玉輪

次公言抗州之潮也

煩君久駐浙江春

次公錢穆父知

越年來總作維摩病

次公淨名居士維摩詰以方便示病而諸菩薩問疾見其經中

堪

笑東西二老人

次公越居浙東抗居浙西而穆父與先生為二郡守故曰東西二老人也

復次前韻謝趙景貺陳履常見和兼簡歐陽叔弼

兄弟

十朋此條次九月十五日觀月聽琴西湖一首示坐客詩韻

能詩李長吉

續唐摭言云李賀字長吉七歲以長短之製名動京師

識字揚子雲

援揚雄字子雲劉棻嘗從雄學作奇字杜詩云子雲識字終投閣

端能望此府

厚舊唐書韋思

諫傳皇甫公義檢校沛王府長史引思諫為同府倉曹
謂思諫曰公豈池中之物屈公為數句以望此府耳

坐嘯獲兩君

續後漢成瑨南陽人為汝南太守委事於功曹岑旺人為語曰汝南太守岑公孝南

陽成瑨但坐嘯

逝將江湖去浮此五石樽

援莊子曰今子有五石之鉢何不慮以為

大樽而浮於江湖

眷焉復少留尚為世所醺或勸莫作詩兒輩

工織紋

次公織紋以言纔言詩云萋兮斐兮成是貝錦先生舊以詩得罪謂之詩案故或人勸止

朱

絃寄三歎未害俗耳聞

續禮記清廟之瑟朱絃而疏越一唱而三嘆有遺音者矣

共

尋兩歐陽伐薪照黃昏是家有甘井汲多終不渾

厚杜詩洵

米少汲水汲多片水渾

次韻穆父馬上寄穎叔二首

玉關不用一丸泥

續後漢隗囂將王元說囂曰臣請以一丸泥為大王東封函谷關自

有長城鳥鼠西

厚唐書太宗曰煬帝不擇人守邊勞中國築長城以備虜今我用李勣守并突

厥不敢南賢於長城遠矣鳥鼠山名禹貢鳥鼠同穴剩與故人尋土物臘糟紅麴

寄駝蹄

多買黃封作洗泥

次公黃封御酒也以黃封其頭故謂之黃封洗泥洗塵常俗之語使

君來自隴山西才高得免人人羨爭欲尋蹤覓舊蹄

厚莊

子蹄者所以免得免而忘蹄

和寄天選長官

寓形宇宙間佚我以方老

續莊子大塊勞我以生失我以老

流光安足

恃百歲同過鳥須臾嬰網羅文采緣自表自古山林人

何曾識機巧但記寒巖翁論心秋月皎黃香十年舊

謂援

魯直禪學參衆妙虛懷養天和肯狗奔走闢官居職事理

晨起何用早桐陰滿西齋叱吏供灑掃眷予東南來野

飯煮芹蓼蔕光既清尚令尹亦高蹈相將古寺行軟語

頽晚照公家有畸人

援公有族隱于嵩山

虛緣能自葆卜築嵩

山陽行當從結好山中饒勝景人覽亦易了何時命巾
車共陟雲外嶠翻思筋力疲不復恃踴跳公詩擬南山
雄拔千丈峭形容逼天真邂逅識其要潘籬吾未窺敢
議窮閭與

和子由除日見寄

薄官驅我西遠別不容惜方愁後會遠未暇憂歲夕強
歡雖有酒冷酌不成席秦烹惟羊羹隴饌有熊腊念為
兒童歲屈指已成昔往事今何追忽若箭已釋感時嗟

事變所得不償失府卒來驅儼

子仁季冬之月命有司大儼步磔

矍鑠

驚遠客愁來宜有魔煩汝為攘磔寒梅與凍杏嫩萼初

似麥攀條為惆悵玉藥何時拆不憂春艷晚行見棄夏

覈人生行樂耳安用聲名籍胡為獨多感不見膏肓炙

詩來苦相寬子意遠可射依依見其面疑子在咫尺兄

今雖小官幸忝佐方伯北地近所鑿中有汧水碧臨池

飲美酒尚可消永日但恐詩力弱鬪健未免馘詩成十

日到誰謂千里隔一月寄一篇憂愁何足擲

和魯人孔宗翰題詩二首

壞壁題詩已五年故人風物兩依然定知來歲中秋月

又照先生枕麴眠

續劉伶酒德頌先生枕麴藉糟

更邀明月說明年記取孤吟孟浩然

未詳舊注引不此

去官遊如傳舍揀枝驚鵲幾時眠

次荆公韻四絕

堯卿荆公在蔣山公同王勝之遊蔣山時荆公宅已為寺有詩云未

門水畫戟細字出青蓮蓋謂是也王父東軒筆

錄云王荆公再罷政以使相判金陵即求宮觀

築池於白門外七里去蔣山亦七里平日馭一

驢從數童遊諸山寺所居之宅僅比風雨元豐

未捨為寺
賜名保寧

青李扶疎禽自來

次公王羲之有求來禽青李帖來禽即今之林禽也以其食美禽來食之

故曰來禽今先生詩句借來禽字以言青李之實亦自來於禽鳥耳清真逸少手親栽

次公

王羲之青李來禽帖云此果佳可為致子當種之

深紅淺紫從爭發雪白鵝黃

也鬪開

斫竹穿花破綠苔

敬夫退之詩竹洞何年有公初斫竹開

小詩端為覓擅

栽

厚杜詩有憑何邕覓擅栽云飽聞擅木三年大與致溪邊十畝陰

紅者造物初無物

次公郭象南華真經序云上知造物無物下知有物之自造

春到江南花自開

騎驟渺渺入荒陂

題註

想見先生未病時勸我試求三畝

宅從公已覺十年遲

師介甫得詩曰十年前後我便不厮爭

甲第非真有閒花亦偶栽聊為清淨供却對道人開

公病

後捨宅作寺

梵天寺見僧守詮小詩清遠可愛次韻

無已杭州圓經云梵

天寺在鳳凰山

但聞烟外鐘不見烟中寺幽人行未已草露濕芒屨惟

應山頭月夜夜照來去

子仁守詮詩落日寒蟬鳴獨歸林下寺柴扉夜未掩片月隨行

履惟聞犬吠聲
又入青蘿去

次韻魯直效進士作歲寒知松栢

龍蟄雖高卧雞鳴不廢時
炎涼徒自變茂悅兩相知

厚選

云芝焚而蕙歎

已負梁棟質肯為兒女姿

續世說孫興公齋前種松

松茂而栢悅

一株鄰居謂之曰栢松樹非不森森可憐但永無梁棟

用耳又老杜古栢行云大厦如傾要梁棟萬牛回首丘

山重任益郊詩云萱草

兒女花不解壯士憂

那憂霜貿貿未易日遲遲難與

夏蟲語永無秋實悲誰知此植物亦解秉天彝

荅呂梁仲屯田

亂山合沓圍彭門官居獨在懸水村

續莊子呂梁懸水三十仞故今言呂

梁為懸水村也師即今百步洪是也

居民蕭條雜麋鹿小市冷落無雞豚

黃河西來初不覺但訝清泗流奔渾夜聞沙岸鳴鑿盎

曉看雪浪浮鵬鷗呂梁自古嗟吻地萬頃一抔何由吞

坐觀入市卷閭井吏民走盡餘王尊

續王尊為東郡太守河水盛溢尊躬

率吏民沉白馬祀水神河伯因止宿隄上及水盛隄壞吏民皆奔走惟尊立不動而水波稍却

計窮路

斷欲安適吟詩破屋愁鳶蹲歲寒霜重水歸壑

次公月令季冬

之月水歸其壑土反其宅但見屋瓦留沙痕入城相對如夢寐我亦

僅免為魚鼈

續劉子過洛汭曰微禹吾其魚乎

旋呼歌舞雜談笑不惜

飲酌空瓶盆念君官舍冰雪冷新詩美酒聊相溫人生

任武帝作

如寄何不樂任使絳蠟燒黃昏宣房未築淮泗滿

狄子之歌有云齧浮桑兮淮泗滿

故道堙沒瘡痍存明年勞苦應更甚

我當春鉅先黥髡付君萬指代頑石千鎚雷動蒼山根

高城如鐵洪口快談笑却掃看崩奔農夫掉臂免狼顧

秋穀布野如雲屯還須更置軟脚酒為君擊鼓行金樽

續玄宗幸諸揚第出有賜曰踐路及有勞曰軟脚師唐郭子儀自同州歸代宗詔大臣就宅作軟脚局人出三

于百

荅孔周翰求書

身閒曷不常閉口

次公傳曰病從口入患從口出閉口則無事而身得長閒矣非謹而何

天寒正好深藏手吟詩寫字有底忙未脫多生宿塵垢

不蒙譏訶子厚疾

續柳宗元報崔黯書曰凡人好詞工書者皆病癖也吾不幸蚤得三病學

道以來日思砭鍼攻熨卒不能去纏結心腹牢甚願斯須忘之而不克竊嘗自毒

反更刻畫無

鹽醜

厚晉書周顒傳庾亮嘗謂顒曰諸人咸以君方樂廣顒曰何乃刻畫無鹽唐突西子

征西自

有家雞肥

次公南史王僧虔傳載僧虔論書云庾征西翼書少時與右軍齊名右軍後進庾猶不分

在荊州與都下人書云小兒輩賦家雞皆學逸少書

太白空驚飯山瘦與君相從

知幾日春風待得花開不撥棄萬事不復談百觚之後

那辭酒

聞公擇過雲龍張山人輒往從之公擇有詩戲用

其韻

我生固多憂肉食常苦墨

續左氏晉定公吳夫差會于黃池司馬寅曰肉食者無墨

今吳王有墨國勝乎太子死乎

軒然就一笑猶得好飲力聞君過雲龍

對酒兩靜嘿急攜清歌女出郭及未昃一歡難力致避

近有勝特喧蜂集晚花亂雀啁叢棘山人樂此耳寂寞

誰侍側何當求好人聊使治要襪

次公詩魏葛屨曰糾糾葛屨可以屨霜

珍女手可以縫裳要之襪之

使君自孤憤

援前漢匈奴傳冒頓為書

遺高后曰陛下獨立孤憤

此里誰相直不如學養生一

氣服千息

次公晉許邁傳常服氣一氣千餘息

田國博見示石炭詩有鑄劍斬佞臣之句次韻答之

楚山鐵炭皆奇物知君欲斫姦邪窟屬鏤無眼不識人

續伍子胥以忠諫吳王太宰嚭與子胥有隙因鸞之吳王乃賜子胥屬鏹之劍以死次公無眼不識人字暗用國志云此箭無楚國何曾斬無極厚左傳費無極讒王眼不識人之語太子建殺伍奢父子與卻宛楚人怨甚令尹子常誅之以弭衆說玉川狂直古遺民救月裁詩語

最真千里妖蜚一寸鐵地上空愁蟻蝨臣援廬同自號玉川子作月

蝨詩云傳聞古老說月蝨蝦蟇精徑圍千尺入汝腹如此癡胎阿誰生又云地上蟻蝨臣同告訴帝天皇臣有

一寸鐵刺妖蜚癡腸

次韻曹九章見贈

遂瑗知非我所師流年已似手中著續莊子遂伯玉行年六十而六十化

曰未知今之所謂是之非五十
九非也手中著謂四十九也

正平獨肯從文舉中散

何曾靳孝尼

援晉嵇康將刑東市顧視曰影索琴而彈之曰昔袁孝尼嘗從吾學廣陵散吾每靳

之廣陵散

賣劔買牛真欲老得錢沽酒更無疑

厚杜詩云得錢

即相覓沽酒不復疑

雞豚異日為同社

援韓愈詩願為同社人雞豚燕春秋

應有千

篇唱和詩

次韻秦太虛見戲耳聾

君不見詩人借車無可載

次公歐陽永叔詩話云孟郊賈島皆以詩窮至死而平生

尤喜窮苦之句益有移居詩云借車載家具家具少於車乃是都無一物耳

留得一錢何足

賴晚年更似社陵翁右臂雖存耳先聵

援杜詩此身飄泊恐西東右臂

偏枯耳半聵

人將蟻動作牛闕

續晉殷仲堪父師嘗患耳聰聞牀下蟻動謂之牛闕

我

覺風雷真一噫聞塵掃盡根性空不須更枕清流派

援

楚謂王濟曰所以枕流欲洗其耳

大朴初散失混沌六鑿相攘更勝敗

次公莊子心無天遊則六鑿相攘

眼花亂墜酒生風口業不停詩有債

君知五蘊皆是賊

援佛書五蘊皆空謂色受想行識也

人生一病今先差

但恐此心終未了不見不聞還是礙今君疑我特佯聵

次公楚詞茲歷情以陳辭兮孫佯聵而不聞

故作嘲詩窮嶮怪須防額癢出

三耳

厚太平廣記載兗州張審通嘗為泰山府君所召令為詞判錄甲天曹天曹允之府君悅與審通額

安一耳既悟覺額癢果生一耳尤更聰俊時號三耳秀才次公張君房勝說載抑慎生三耳事與上同但其人姓名別耳又牛僧孺

玄怪錄亦載此事

莫放筆端風雨快

睡起聞米元章冒熱到東園送麥門冬飲子

一枕清風直萬錢無人肯買北窻眠開心煖胃門冬飲
知是東坡手自煎

次韻王定國馬上見寄

昨夜霜風入袂衣曉來病骨更支離

續莊子支離疏願隱于臍肩高于頂

疎狂似我入誰顧
坎軻憐君志未移
但恨不攜挑葉女

次公挑葉王子敬妾也有詩云挑葉復挑葉渡江不用楫

尚能來趁菊花時
南臺二

謝無人繼只恐君詩勝義熙

二謝從宋武帝九日宴戲馬臺續時晉義熙年中者也

次韻荅頤起二首

挽袖推腰踏破紳

次公左傳曰或挽之或推之

舊聞攜手上天門

次公

漢官儀云泰山東上七十里至天門

相逢應覺聲容似
欲話先驚歲月奔

新學已皆從許子

次公新學以言王介甫新經之學也

諸生猶自畏何蕃

厚退之作何蕃傳云蕃入太學二十餘年歲舉進士學成行尊太學諸生推頤不敢與蕃齒

毀廬直

宿真如夢猶記憂時策萬言

頓君及第時余為殿後編排官見其答策語頗直其

後與子由試舉人西京既罷同登嵩山絕頂嘗見其唱酬詩十餘首頓詩中及之

十二東秦比漢京

續前漢田肯曰齊地方一千里持戟百萬縣隔千里之外齊得十二焉此東西

秦也

去年古寺共題名

去歲見之於青州堯卿唐白居易寺鵬塔題名之後士人多效之

早衰怪我遽如許

厚曹操欲殺左慈慈走入羊羣不可辨忽有一老羖屈膝人言曰遽如許

苦學憐君太瘦生

援李曰嘲杜甫云借問因何太瘦生總為從前作詩苦

茅屋擬

歸田二頃

續蘓秦曰使我有負郭田二頃吾豈能佩六國相印乎

金丹終掃雪千

莖

任杜詩白髮千莖雪

何人更似蘓司業

次公蘓司業源明也乃唐之詩人先生以此子

金匱石經卷之三
由云和遍新詩滿洛城

太虛以黃樓賦見寄作詩為謝

我在黃樓上欲作黃樓詩忽得故人書中有黃樓詞黃

樓高十丈下建五丈旗

任始皇作阿房宮上可以坐萬人下可以建五丈旗

楚山

以為城泗水以為池

次公左氏楚國方城以為城漢水以為池

我詩無傑句

萬景驕莫隨夫子獨何妙雨雹散雷推

援雷州大雷雨時人有收得雷

斧雷推皆石也

雄詞雜今古中有屈宋姿南山多磐石清滑如

流脂

子翬杜牧之秋娘詩京江水清滑生女白如脂

朱蠟為摹刻細妙分毫釐

佳處未易識

厚范榮期讀孫綽天台山賦每至佳句輒云應是我輩語

當有來者知

次韻荅王鞏

我有方外客顏如瓊之英

次公謝靈運稱方外司馬詩尚之以瓊英乎而

十年

塵土窟一寸冰雪清竭來從我遊坦率見真情

邵老國史補云

宋濟老於文場舉止可笑嘗試賦誤失官韻乃拊膺曰宋五又坦率

顧我無足戀戀此山

水清新詩如彈丸

續南史謝朓曰好詩圓美流轉如彈丸也

脫手不暫停昨

日放魚回衣巾滿浮萍今日扁舟去白酒載烏程

厚湖州烏

程有若下酒為天下之美

山頭見月出江路聞鼉鳴莫作孺子歌滄

浪濯吾纓

見孟

吾詩自堪唱相子棹歌聲

厚李白詩滄浪吾有曲寄

入棹
歌聲

張安道見示近詩

人物一衰謝微言難重尋

續太史公曰仲尼沒而微言絕

慙慙永嘉末

復聞正始音

厚晉衛玠傳玠至豫章與謝琨相見言論

正始之音清談未足多感時意殊深少年有奇志欲和南風

琴

次公退之詩騎驢到京國欲扣薰風琴

荒村蛭蝥亂廢沼蛙蝥淫遂欲

掩兩耳臨文但噫瘖蕭然王郎子

厚太平廣記云王仙客者劉振之甥也振

有女曰無雙小仙客數歲皆初稚
相狎振妻常呼仙客為王郎子

來自緱山陰其婿王翬攜來

云見浮丘伯吹簫明月峯

援王子喬好吹簫作鳳鳴浮丘公接上嵩山三十年後於

緱氏山頭乘白鶴舉手謝時人而去

遺聲落淮泗蛟鼉為悲吟願公正王

度祈招繼惜惜

續左傳昭公十三年周穆王欲肆其志周行天下將必有車轍馬迹焉祭公謀

父作祈招之詩以正王心曰祈招之惜惜式昭德音思我王度式如玉式如金

次韻王鞏顏復同泛舟

沈郎清瘦不勝衣

續沈昭畧嘗遇王約張目視之曰汝是王約邪何乃肥而癡約曰汝沈昭

畧邪何乃瘦而狂次公沈郎或以為指言沈約則其與徐勉書云老病百日數圍革帶嘗應移孔以手握臂率

計月小半勿此則有不勝衣之意又檀弓言趙文子其中退然若不勝衣堯卿荀子漿公子高不勝其衣邊

老便便腹十圍

援邊韶字孝先弟子朝曰邊孝先腹便便次公東平王蒼腰帶十圍師晉載記

戶緯慕容超李勢赫連勃勃皆身長八尺腰帶十圍云

躑躑身輕山上走懼呼船

重醉中歸

杜詩取樂喧呼覺船重

舞腰似雪金釵落

次

揚希道詠舞詩二


八如回雪西京雜記戴戚夫人善為折腰舞續張祐杜牧之同燕有屬意者索散子賭酒收

之微吟曰散子巡迴裏手拈無因得見玉纖纖談辨如粘應聲曰但知報道金釵落髻還應露指尖

雲玉塵飛

次公後漢符融幅巾奮袖高談如雲續王衍善談玄每捉玉柄塵尾與手同色憶在

錢塘正如此回頭四十二年非



東坡詩集註卷十一